


元許文忠公至正集

柳田文庫

文庫11

D 93

2



書卷第六

五古五

文庫 11
D 93
2

278

2

010190548860

至正集卷第六

元湯陰許文忠公有壬著

古詩五 五言

九月五日病起至洹堂得十韻

涉旬不可風齋居夢林谷羸馬從二僮茲焉藥云勿自慙似充隱
繞屋學種菊昨看青蓓蕾倏爾爛芬馥麴生方入務采采漫盈掬
積陰蕩澄空浮暉動霜木西風何處來波我一溪綠振衣立雙崖
人間此幽獨為權戒遲暮騁懷亦聊復邂逅識悠然南山在予目

和郭子敬祭酒由田舍還城居詠雪四首

臘前白未三膏澤入土淺天意急發生滕六起罷輒初陽力尚微
着物若絲緬不資大設施勾萌曷蕃衍剪刻錫銀潢增峻變瓊巖
有懷願年豐幽憂頓消遣乾坤塵垢盡山川畫圖展啜清茶自烹
既潔簾自卷暝空似虛無因風尤宛轉平吳非我事泛剡尚可勉

至正集卷第六

五古五



當年曾從龍天門通管鍵澤物愧無功歸來守疆畝樂土適吾鄉
流民來濟充饑寒號里巷狂走如越犬推食嗟不能敢恨几生蘇
方將學蠅縮誰復問牛喘先生瀛洲來士林仰冠冕樂天有追遊
弘景無煩外平生幾乘輅用世真未免懸車萬事足有田從不腴
遺我白雪歌酖誦劇淫酒更待新亭成琵琶聽攏撚

其二

陵坡度高寒溪光涉清淺郊行景有會詩成語無輟錯錯路不分
茫茫勢逾緬閉門笑袁安談天睨鄒衍林慮亘中天萬玉甃疊獻
全勝當野求清遊殆天遣吟鞭裏空闊一笑驥足展虛明銀海眩
爛熳白波卷濛濛疑絮浮團團忽毳轉穴井露混茫出簷堆毳勉
人寰炯不夜瑤京豁無鍵夏翟變振鷺供正失羽畎既混九點齊
寧辨五星究搏聚出狡獪曾不及弁犬老松半身濕餘潤浹皮蘚

有人發鴻音萬籟息號喘胃館隆臯比嚴宸親衮冕五車施已多
百行動罔外俄引一鶴歸豈類三公免良辰但賞心治具不求興
蹇予慕高風有酒何暇酒借公如椽筆忍凍時一撚

其三

敷雲穹窿合軒水河漢淺山木立清堅街塵失紅輦一壺太素天
上古孰云緬彌綸均隆汗粉澤徧墳衍浮生多白頭何事到青巘
前墜漸舒徐後驅復排遣紀瑞手屢呵愁飢眉遽展遠勢結方陣
長風忽斜卷乾坤萬彙新陽和一機轉作賦休矜才深德敢不勉
彼美金閨彥石室曾扣鍵遐思寄滄洲高情薄岱畎筆力追秦漢
道原濬鄒衍尤敦鄉黨義推愛及豚犬我如檠株駒書印滿碧蘚
斗山茲有仰籍湜走且喘日光玉潔中我我見玄冕年高德彌幼
心從出靡外醉狂有棖觸容衆吾知免學海富玄酒酤我謝荒腆

挹彼還注茲涓滴沾已酒但笑繼晷吟燭盡紙仍撚

其四

陰崖積猶深陽坡釋將淺新陽行故實剛風散輕輭枯木吐異葩
長林縈素緬兆年必大有占數辭太行周陣連水郭保障沍雲巘
素娥列萬侑多應帝所遣來翫人間世大地瑤席展練悅忽不收
編裙時亂卷至人無內熱丹鼎謝九轉汗穢固云蛻消融更加勉
因笑泥封關何如玉為鍵歐公昔守穎俗易民安畎白戰聊自娛
那知後封充千載思附驥一吠憐學犬憶昨廣寒宮瓊輿踏翠蘚
吐氣曾激昂幾人竹筒喘廣廈侍講誦太室陪散冕膝說妄自信
流傳遂多舛田里雖幸歸飢寒慮不免來牟遠在眼天賜一何腆
高歌詩類狂淺斟未至酒衝寒出探春柳綠金已撚

題汪審齋霜鐘琴和虞伯生韻

巖栖養貞操意適物無爽何處鐘自鳴清霜肅穹壤悠揚林壑間
融液弦徽上嶧陽有孤桐豐山絕遺響撫弄不在音飛鴻入遐想
從渠聽者稀但以心自賞琴瑟莫求齊王門足羈鞅

送姪杞回江夏

修身誠為本顧行言乃宣治家儉是主率下身當先妄則身自棄
奢則家日廢爾幸無此疾吾藥強爾痊我家本寒素插架皆塵編
先公手澤存能讀汝乃賢勿矜叔有官勿恃家有田緩急汝或過
吾詩汝韋弦

次韻韓伯高參政見寄詠黃楊

守器縮斯盈安步後是前乃知黃楊木斂束遶逾堅人言閤為厄
豈識增春妍慎勿作印章標榜成奇偏

次韻伯高見寄自述

索居利幽迥野性安放逐得失謝鷄虫交遊有麋鹿璇穹豁羣陰
陽光彌九服區區愧螢燭遇夜聊自燭不須飯青青時還斷黃獨
將軍飽自笑未覺負此腹梅翁况有寄千里及泛菊勿云秣湧貴
今歲定大熟

食槐花

庭槐老能花色與秋俱妍涼颼動菽菽金屑堆鮮鮮薄言頃筐墜
相以清冷泉薑鹽與宜之粗熟正味全芳日發齒頰小苦見本然
少陵賦冷淘每誦輒垂涎英華遂廢飮視葉嗟更賢憶昨為爾忙
計吏催先鞭一第得逾分厚顏對葷羶歸田日藜藿老腹常便便
見爾如故人况與鮭菜聯人言有奇效益此衰暮年頭目祛昏眩
手足已踈攣健步事林壑洞視攻簡編南柯夢已斷口腹尚有緣
養小成醜繆一食徒萬錢

獨樂臺馬廷彥席上次明初韻

旌孝轟華表承家推肯堂親遠心益通身立名尤彰學海觀波瀾
藝圃恢封疆索居念晤語塵俗嗟未遑一日復一月三來涉三霜
山醅熟小甕我馬陟高岡野意似孤鶴茲馬逾軒昂同行有佳士
雄辭軼班揚出網得珊瑚舉瓢酌天漿風景迫九日林葉紛半黃
百年貴四美萬事付一觴真假悟夢鹿書博皆亡羊我田才二頃
五畝松菊莊相望隔洹水逸興時飛翔可憐無心雲亦復戀太行
雖慙長者車紀休偶成章簡編永無蠹桑梓暉有光從今堂上月
千載照吾鄉

羊脂杏花次明初韻

枯枝凍欲折一旦駭眾目伊誰奪天巧春意鬧雪屋鼎殘幻形色
能美不能馥紅糝密綴梢鉛粉薄暝肉髯薄十斤尾昆刀幾重玉

烹魚本自勞餘事及贊育吹香謝巽二爭妍值滕六鱗魚膏通用
嗟此及草木滑膩真凝膚鮮明新出浴迎暎虞消融移瓶避朝旭
分餘成美觀未覺雍伯俗珍賞乏魚鳳山酒雜野菽胃酥腴多葉
熾禍不可撲結子堪作丹仍供玉環服此花幸免此相對一笑足
淄維有古林高臺九霄觸芳潤流萬世濟惠逾百穀蠟言當刊華
羶德先慎獨我方事繼晷燈火待膏沃根茂實必遂孝孝須自牧

冬菊次明初韻

眾芳困搖落梅獨稱暄妍有美不自閔戰寒為兩甄成冬在閉塞
民襖愁冰天豈知宇宙內賦授藏奇偏東籬有積雪南山失悠然
挺挺出佳色灼灼照綺筵諒非厭九日欲讓顏紫先有徒實眾勝
糠粃任在前候雖戾月令氣欲無衰年貞姿稟黃中凍蕊含碧鮮
遲速各有時勿謂人力專歲寒論文遊松竹相蟬聯昔馬推三友

茲也成四賢何人譜凡品同異殆白堅淵明不可作欲辯真忘言
荒涼著特操自信肯自憐且幸蝶不知誰羨鶯喬遷隱逸分遲晚
障護香色全食英用療飯大勝咽雪糧顏顏定可制食蠹猶能仙

謝吳開闢宗師寄鶴氅衣

逆駢欲遺世異服事繆悠恭也差可觀未是真仙傳因服究其衷
有懷小竹樓一時示蕭散千載瞻風流鄙人冒朱紫因循成白頭
衣錦不尚絢褫帶宜承羞歸來作褐父敝緼寒無憂老仙獨不棄
謂可同真遊解衣遠衣我意重千金表高義固多感濁骨難崑邱
披之焚香坐世慮忘囂漱神仙未能學願學王黃州

次韻薛壽夫見寄夏夜偶成

漏斷月未午微涼生破幃起步庭樹影尚欲何枝依平生愧百拙
偶巧是勇歸故山差可樂更喜賓客稀為問畫錦榮何如芰荷衣

所遇苟獲安萬事皆忘機

避暑岳祠追和揭學士韻呈張困亮題點

都門東二里有宮如上清炎氣漲人海乃見白玉京園果出新脆
冰盤明水晶虛閑境既闢低垂氣為平連棟深月窟玄林挹瓊英
遺世固獨立愛客仍多情樹影正已斜蟬聲斷復縈聽爾羽衣曲
陋披子晉笙人生貴適意何物為寵榮明朝又城府狗苟復蠅營

題訾仲元孝義詩卷

臺掾訾德明父也

顯蒙錯恒品孝弟均天衷嗟彼陷溺徒悵悵盲聾率性見若人
力踐由吾躬子職盡終始里仁治瘵痾百行既有原推擴宜無窮
遂令鄉閭間寒谷皆春融天家急彰輝華表高摩空積善後必大
佳兒行亢宗栢府試鉛槧揚揚播清風稷鋤慮德色汚俗應躋隆
八月二十一日獨坐明初齋前

醬臺秋未深雨歇風日美斗室滿琴書清晝門不啟庭空走已亥
潦聚躍丁子涼颺來設設豐草動靡靡佳人暮何之杖屨獨徙倚
素襟辛自灑孤念定無悔徑荒差易治手鋤漸料理此不求同聲
姿年已如此

題周伯温玉雪坡亭

玉雪取譬梅論色非論質堅白將無同磨涅孰爾釋孤芳冠百卉
歲晚見特立胚腴先天春具體未畫易詠歌及影香萬漏才挂一
西坡據形勝嘉名任沿襲絕彼官府諠專此山林僻栽培闕三世
貞潔著一德孫枝尤挺出籍甚騰茂實寄聲玉雪坡未許心鐵石
次可行泛舟韻時吳安之遣人治具

膠榮四十年弛檐甫天放雖云在人境心遠絕塵埃况茲游騁地
秋色入四望卉木已向榮雲水自相盪窗虛得山多臺高知野曠

清泉來汨汨節制無暴漲何須過前川園有花可傍玉肪薦肥荇
銀漉注新釀時廢孺子歌底用小海唱龜魚共游泳鷗鷺來翻調
并分亦何常小大各有量子房屈圯下高祖隱芒碭君臣倏際遇
功業驚洽暢挺然三傑中奮乎百世上一朝事辟穀身外物皆長
乾坤任俯仰形骸貴放浪萬事雲悠悠一笑天蕩蕩鸚鵡謝累百薦
龍戒上九亢人生幾兩履茫屨乃兩舫徒令方寸心寂寂復行行
吾年今如此出入必扶杖故人念衰老千里牲酒餉自鼓煙波柂
永稅塵俗鞅境勝夢俱清位失道未喪誰言管城子初非食肉相
興來使陶寫形役豁惆悵苦吟尚作柴樂歛不為恙學易免大過
勿藥喜无妄厭厭詎可極明河月溶漾燕足充淹留還如李公訪
次韻可行記圭塘草木二十四首
吾家青牛君伯仲龍矯矯不似丁令威暫來立華表鬼神護斧斤

風霜幾昏曉摩挲五紐文曾見陸為沼

徂徠以多賤吾圃斯拔萃遠從它山移清與幽境會樂天才四十
栽爾已興慨吾年六十三方期翠成蓋

長公有名言不可居無竹僕僕斲蒼苔森森植寒玉聲來書幌清
陰入酒杯綠何須更晚食此君足當肉

春風為花魁先路來枝南但憐結成實能酸不能甘世自不可口
根在吾何漸年年共雪月華我徑三三

蒼官昔多事乃與群鳥隣何如在圭塘亦勝居神囷老根已作石
霜皮不成鱗不用歎不遇參軍能寫真

朝來花斬新暮雨墜紅濕藤蘿助奇觀羅帔層層碧昌黎性苦隘
政爾要蒙幕一笑問秋乎還能誨人弈

枯樹影在水浮動如仙槎昨日春意開今朝雪滿沙茶悴等兒戲

老懷無嘆嗟作食助殺林明年還看華
有木知尚時手植日向榮無忿底用蠲聊用寓野情亭亭矗翠葆
穩穩散紅纓青裳勿異字姑以合歡行
濃綠千萬枝大齊中貫穿山人晝眠起銀海日俱眩燥吻行可濡
寒裂紋玳絢無賦繼殷元虛塵翰林院
曉涼振弱體月墮東方晞香塗漢宮額潤展華陽衣應朝通明殿
金杯承露歸道粧豈余媚池影動清暉
司花琢清貞不掃幽人髻叢爾草堂陰香乳百畝蕙月露映冰壺
美芳集磴磴着我沉水鄉庭前更叢桂
披披青羅扇敷陰圭塘阿夏窗雲影薄秋枕雨聲多翰墨聊復爾
風霜其若何休教近湖石掩映美人歌
異卉非卯生綉纓殆天就驚風振細葉宛若三市鬪赤憤不煩憎

神清氣爽購因之記昔年聽聲趨待漏

雨後叢甲生俄成尋丈樹誰鳴雁過紅絲纈無不具環池爛雲錦
吾圃遽爾富呼酒亟賞之秋光欲寒露
花山何許來嫣然立沼上香霧幕曉粧濛濛九華帳勿令苦幽獨
就賞時策杖秉燭夜莫歸春去無羈鞅
蜜脾擣蒼菊成此佛面胎黃中色可尚况在雪裏開盜名非獨我
伏神出芋魁幸無調鼎實聊用侑山杯
園丁功力深春榮到由拏花開月更明溶溶白雲過紫實待含津
囊承躬採掇莫羨鄰侯燒且浣長卿渴
人生念慈親堂階多樹萱忽隨靈椿化冥漠俱高騫此憂詎可忘
肝摧不能言對花差自慰白頭還抱孫
昔人避秦亂川原多種桃我幸遇明世栽培胡自勞看花食其實

為圃豈不遭踈懶強鞭策猶勝宅不毛
清夜遊西園皚皚白雪堆東風苦愛惜不遣過牆來何須領張徹
且復傾我壘茲焉不省錄寧免長姬哈
人間隱逸花開發宜遲暮三徑連松陰百繞穿葛屨秋容淡籬落
寒香入毫素掇英泛濁醪盆甌親挹注
作甘最夏果其奈招眾禽禽啄吾不惜曷耐餽地金呼僮日毆護
青紅猶滿林禽飽人亦飽於馬獲我心
造物眷花王擇后降嘉種英華得既多加以人力壅楚楚御衣黃
遂冠群芳寵群芳各有匹物用贖而捧
開元得四本花木茲焉張眾色各有態世獨推其黃我非富貴者
胡為植圭塘天教風露夜受用一庭香

塘上草木續詠六首用楨韻

涼颺動空碧修枝振高青張幄却森暉交陰可中庭不煩位三公
政爾宜吟卿南柯莫記夢陋室方為銘
幽人非浮屠日日戲桑下愛其濟世餘重綠訖朱夏昔賢事游觀
竹木萃綠野繼踵吾不能但入老農社
靈木享遐算異質稟至仁後先八千歲才是秋與春蒙莊揮發後
塵世閱幾人吾材實樗也賴得爾為隣
託根鄉社間遠迹關塞上春莢羹萬錢大勝食方丈東隅何失之
叔之敢高尚歲晚澹相看萍蓬謝飄蕩
依依裊長條漠漠迷小院紫風輕作綿穿露巧為線不復管別離
招鶯更留燕會看成車蓋吾圃有餘羨
花部愛君子移栽未逾年生意自營達主人豈花仙初日爛雲錦
靡曼知幾千遠觀敢褻翫柳陰維小舡

和李仲山叅政見寄韻

軟語慙炙轂直行昧抵熾一退願始足四序閑皆宜秋鷹遂脫鞬
野麋寧受羈好道苦不早晚家隆慮陸喧無車馬至淡有琴鶴隨
飛來雲錦篇賞音舍公誰詠歌樂舜日不用望九嶷

次韻可行登冷然臺

輕風水無波落日景逾好憑虛思橫生萬象困搜討窮睇眼未花
得意詩不草勿謂城郭近下有往來道心遠地自偏興來無洒掃
收藏千鈞弩莫用穿魯縞悠悠歎浮雲翩翩羨歸鳥一任坐井徒
譁然說天小

至正集卷第六終

至正集卷第七

古詩六七言

許國文穆公東封加食邑告身其九世孫湖北憲行人呂伯
溫求題

攬槍掃盡五星聚太平宋日方禹中有龍渴睡忽驚起八荒雷雨
天無功平生學術匪黃老但以清淨恢皇風三持釣軸一夾袋四
海人物歸包籠功成勇退挽不留洛川雲卧春冲融祥符天子當
東封慶成霈澤均臣上進封加邑恩同渥此心已逐冥飛鴻汾陰
歸來駐六龍門闕炫耀霓旌紅老臣已分先犬馬擇相為君言至
公至今綸誥有神護世變不與浮雲空天章鸞錦爛五色想見捧
出蓬萊宮耳孫令器試憲屬祖德種厚收宜豐青氈何物且念舊
至寶肯使塵埃蒙由來世守在聿修願言什襲傳無窮

至正集卷第六

題南谷平章畫象

河南王孫謫仙人騎鶴來翫人間春控搏萬象筆有神清冰寒玉
誰能塵紹蟬圭充推世臣顧乃寬博烏紗中良工寫意不寫身蕭
然印出蓬山真它年霖雨周無垠歸來南谷秋嶙峋烟霞為友風月
賓野服坐挽羲皇淳漢家政爾圖麒麟

觀漁

萬師百趾悍如獼數罟洿池圍四匝小魚幸免醉渾濁大魚勢窘
鳴梭刺健者逃生時鼓勇登岸噉嚼鬻折摺老鯁空排棘刺鉅
鮎難恃腥涎滑江河出入豈不慎蠹槁兩逐纒一霎鼎宜薑桂登
腹腴方丈飽餘惟小呷任公誇誕已素知如棠况有春秋法區區
口腹敢累人養小因循成好殺蒙莊誰道絕物者我見濠梁心不
心主人笑我何小慈乘舟更射春江鴨

贈相師沈湖雨

我聞西湖天下奇風景晴雨皆相宜有人厭晴太妍麗却愛風雨
昏冥時天工一夕辨歲事紛紅駭綠春離披先生醉卧忽驚起妙
趣不許他人知竹枝蕉葉送清響簷花簾影搖清漪乾坤一段真
水墨勝處可與逋仙期盡收清氣注雙目所遇無復差毫釐江湖
汗漫二十年短蓬窗下還聽之倦游舊隱頻入夢便欲踏浪尋吳
兒西湖它日我亦往君當携雨來催詩

題李國瑞雪洲

遠遊早作觀光客十年慣看燕山雪廣寒宮殿倚天開晃朗瑤臺
連貝闕北風吹落銀河水一夜乾坤變虛白瀛洲俯瞰島嶼空山
下皚皚成一色小臣給事曾上天凡骨偷然清欲徹南來苦熱願
恒寒每恨無冰愆歲律今年人道定豐稔臘前三白將盈尺幽人

高卧鵝山下起看鵝山渾不識却從山頂望鸚洲大素無垠玉無
隙此時心境忽有會但覺清風生兩腋忍寒不顧玉樓粟方喜詩
從天外得雖非孟浪剡溪游習氣頗有王家癖從今便號雪洲人
已具小船青箬笠

牧庵姚先生贈相師梅淵泉詩淵澄如止水泉活有餘波梅
到清香處君應風味多商德符既為畫之且求予詩云

牧庵老僊善游戲山詩專詠君姓字壽巖善畫今獨步又寫姚詩
入練素姚詩商畫真二奇有聲無聲人自知梅君挾走半寰宇玉
關豪傑盡識之怒人及蟹世因感惜君真與梅無別萬里歸來舌
尚存七旬向上頭無白江湖眼力老更神品題也到山中人山人
無意問利達見君但問西湖春

題商德符為梅淵泉畫清江圖

秋江千里快一瀉目盡雲林認平野明窗展翫為釋然况是當年
身見者若人自非詩中仙定知曾次無此天可憐眾史恣塗抹兔
魚未得空蹄筌我登鶴樓望江漢恰似壽巖圖上看有時風止水
鏡平便棹酒舡游汗漫梅君收斂江湖蹤過我翠鷓烟霞中他時
若見壽巖老不妨添我為漁翁

東澗講主代安僧宣慰為沙門參香山晋老有所得游廣陵
歸歌以餞之

聖元世臣東平王勳庸滿世笏滿床有孫稚節見翹楚菴萱愛之
期壽康人言西佛操厥柄身名幾欲俱緇黃邦禎誰忍坐朽腐才
實天不論荒唐廼聽其徒代祝髮却為眾生變其法蓋令救世行
慈悲究竟世尊心不惹愛烏自是余情真其從况復真可人歸舟
天地有明月行脚江淮無好春題詩為向香山道山門苔滑今誰

掃人間難事，龜脫筒等閑，莫效俞清老。

題玉關雪中竹石老木圖

郊原觸目荒寒，天中有清致，誰能傳此君。特立節素著，枯槎亦復回春妍。僵龍攫雲欲飛去，翠鸞曳風寒自舞。蒼頑虎踞不記年，一宵變化誰玉汝。笑談萬象歸神奇，天工能畫自不知。是中有隱隱佳句，却彼玉關先得之。俗師用色勢，益窘林下風姿。豈脂粉玉關佳處，色是空為君重作丹青引。

題李元敬照磨明妃圖

臂香骨沁守宮，虐金鎖重門。怨銀鑰深宮，有眼不識春晝長。時聽雲間樂，平生所見惟監宮。今朝豈期見畫工，君王知畫未知妾薄命。已分如秋蓬黃沙漫漫天，無窮驚飈吹老紅芙蓉。穹廬明日又何處，此生遂負南歸鴻。和親納侮號上策，建議詒謀婁敬責妾身。

雖苦免主憂，猶勝專寵亡人國。關山寥落夢亦迷，嫁鷄正爾隨鷄飛。人間生女莫望貴，只可近作田家妻。琵琶聲斷霜天月，青塚至今青不歇。後來却有蔡文姬，千古胡笳辱哀拍。

題咬雲莊侍御為龐允中畫山水障

山人夙有愛山癖，拄笏憑欄竟朝夕。市朝一日不見山，便取畫圖張素壁。吾鄉好山冠河朔，萬丈嶄嶄倚空壁。維時秋清宿雨收，百里浮嵐手堪挹。昔年鼓勇踏其麓，已悔東南多履迹。隆慮深處有仙境，塵事無端苦相尼。南征馬山幾回首，夢寐於今悵如失。題封侯爾到江湖，撲人猶覺烟霏濕。恍疑着我洹水上，西望太行才咫尺。題詩便當歸來篇，請君先掃松間石。

雪蓬歌贈楚材山長

人間塵土何地無，道人自愛居江湖。江湖佳處寫不盡，且復想像

陳其捐有舟如葉君勿笑氣象乃欲反堪與四時風景皆可樂歲
晚獨與天游俱青山昨夜忽適去萬象一色涵水壺眼界疑墮清
虛府心境直造鴻荒初道人箕踞受奇供但訝光怪生遽蔭霜筠
露穉政不俗更欲緣飾為瓊琚湘江清碧俯見底嶽麓倒影寒縈
紆興來不省有物我短策獨速歌吳歛可憐翠被秦復陶但賈憂
患來攻敵莫言雪盡蓬遂履敲雨承月仍相娛

寄題新建鄭同甫書帶軒

康成山中草如籬世因強名為書帶雲仍取扁豈徒然學業欲與
康成配帶為書用亦所宜書不用帶腹貯之但教長養莫除去風
月無邊當自知

用原功韻餞陳眾仲提舉

七閩山水天下奇唐舉盡士繇詹始清淑蜿蟺發有時紹興而還

不勝紀我朝混一幾百州聲教漸被無荒陬陳家有人尤秀出弱
冠眾已推名流淵珠千仞出一綆從此光華孰能襲六年樂育席
為穿眼底諸公自臺省五雨風順歸舟犀滿舟載文皆壁圭希聲
直掃靡靡盡正色上轟蒼蒼齊茲行小試穿楊手未許垂楊生左
肘欲論心事奈別何江海一觴期白首

題雲莊青山白雲圖

白雲舒卷初無心青山之青古復今雲兮於山何損益自是幽澹
攻相尋昔年下土早肆虐有力足可為商霖長風多事不相假悠
悠歸來林壑深猶能粉澤作景物怡悅方外供清吟雲山之人素
知雲清水寒玉明骨襟偶從拄笏得爽氣肯與眾史爭浮沉村墟
野屋暮杳杳風霜老樹秋森森小溪幾轉訝無路懸瀑半天如有
音雲舒雲卷目盡處一點隱隱浮遙岑九衢塵土沒馬首安得此

地投吾簪便當攜手共歸去披雲醉踏長松陰

牧牛圖

崢嶸春烟四十角已任秋成在人目曉耕課足得少休付與東風
一川綠飲盡犇眠各遂天餘力猶能事攻觸牧兒心迹兩相忘鞭
策不施伊自服樵叱如羊攀角上負涉嬉嬉似遵陸服勤縱使骨
羸椎乳蚨嗣勞仍有犢犢分更為慎畝牧公家租稅何時足問喘
樊和吾豈知詩成聊備耕田曲

張騫乘槎圖

世言天河與海通浮槎歲來秋適中有人好奇羸糧從源幾萬里
吾其窮城郭何地修此逢雲烟宮室相冥濛見美而織雲鬢鬆西
有癡絕牽牛翁問之蜀嚴能識儂又言張騫昔使戎乘此直沂崑
崙東得石歸可夸兒童曼倩侮世如瞽聾君平更躡虛無蹤茂陵

方急關邊功抵熾宜得博望封昔躬所無後乃釐豈非致此由釐
空稗官之靡棟漫充千年孰抑荒唐風流傳幾時到畫上鉅可喻
日聲非容酒多且旨殺且豐萬事不用研初終安得畢卓吾將同

送劉安禮御史歸棘津

昔年旅食京華春助勳塵務窮朝曛相逢一語不暇盡况得杯酒
攄慇懃南來與君實同寅同方逾月仍袂分人生離合劇萍水世
情好惡從猶薰羨君讀書樹立義法冠聳惠文風霜肅物未終
考已辦事業流清芬神羊天遣觸邪佞有瓶哭出甘敗群儻然公
議炳星日肯使玉石真俱焚俗方任耳眩名實牛鬪驚蟻雷疑蚊
行藏有道且有命飄然我自樂我貧親闈咫尺躬滌滌綵衣獨速
人微醺世間真樂無此比身外富貴徒紛紛但恨多病疎麴生一
尊何由傾倒君扁舟明日應回首日暮江東多碧雲

池州驛有王君陽所畫老木滕玉霄跋語二君皆故人為作

數語

何年髯王來此驛怒磔蒼髯挽椽筆想當奮筆一掃時亂擁槎牙
出東壁千霜百靈摧不盡坐使根柯成鐵石誰謂毫端一寸鋒辨
此人間萬牛力玉霄狂老亦可人蛟蚪繚亂雲烟濕芳醪萬斛醉
不死愈覺吐辭清可挹當時京國俱從游滿幅持來渾不惜天涯
一見眼為明相逢况復曾相識我今妄受車服維所至規規專一
室寔然不徒足音來二妙真堪慰岑寂

行建德縣民有訴作橋罹害者作徒杠行

霜餘溪湍息奔闕農隙維時梁可構往來恐有病涉人官著恒規
誰敢後邑胥承帖來鄉里鄉民見胥如見鬼督材斬木到邱壘致
期視成歐婦子人未安行力已疲冬無旨蓄雞先死田家雞盡真

可哀邑宰旦夕行橋來予嗟此役本為利誰知為害翻百倍老癯
偃僂訴且泣莫遣吏監民自力治貪問瘼乃吾事去甚痛懲尤所
急老癯又言官試聽今日所知百無一我聞此語憤填膺不可勝
誅空太息安得落落寰區間盡是糞黃二千石

臨江見大舩宏麗異甚賦賈客樂

鼓聲震蕩馮夷宮帆腹吞飽江天風長年望雲坐長嘯穩駕萬斛
凌虛空主人揚州賣鹽叟重樓丹青照窗牖斗帳香凝畫閣深紅
日滿江猶病酒錢塘女兒靜且姝臂金盈尺衣六銖憑闌飯飽觀
戲魚清波照影紅芙蓉江城到處時每楫徧買甘鮮窮所悅千里
携家任去留一生為客無離別敦農抑商昧遠計遂使素封輕得
意握籌狡獪俯承命危坐咄嗟收厚利田廬彫敝君知否終歲勤
勞莫餬口夏稅未了秋稅來三十六策惟有走

安航齋

清江老人心休休宴息作屋才如舟人間論險莫逾水剗剗有藉
安浮游等閑覆溺政不少有家幸免斯何求乃知平地足波浪大
厦汎汎猶輕漚爭如容膝一齋小秦宇凝寂天光收百年居險能
脫險人海一葉隨沉浮弦歌宛在水中吐竹樹不減滄江秋舟居
無水陸無屋一笑千載同悠悠若孫肯構仄萬斛故事康濟攻藏
修健帆風順更勉力直須擊楫窮瀛洲

太乙宮瑞荷行為真人呂公賦

天地有水即有荷生意無盡根株多風人澤隱詠未既一旦秀山
濂溪波中通外直寓至道比德君子無偏頗非常之產亦時有駢
葩合實誰廢敬豈如山壇出奇供盆池一勺融天和初疑脩盤合
蒼玉又似夾袋裁青蘿呈祥應陋朱華穠定巢只許玄夫過清風
時來香襲人不用船藉痊沉疴天涯太華幾時到漫說十丈高嵯
峨當年太一乘此舟煙波蕩漾游無何此宮固宜有此瑞老仙異
世真同科便從太一共乘去奔霆瞬息窮天河

至正集卷第七終

至正集卷第八

古詩七 七言

送揭立禮用原功韻

設科昉自延祐年招徠賢俊闢四門太平盛典遂興舉當國大臣
精討論賓興人人重德行繼述在在聞王言豈惟髦士登棧樸又
恐絕壑遺蘭蓀拔幽風紀許投削言事布韋令扣關爾來何人眩
國是舊章成憲如芟繁祇虹飯竭北溟水欲使變化無鵬鷗亦知
有時天未定天地不老斯文存黃能永閉羽窟底剝盡而復貞而
元子方急養且歸去四海尚賴他人昆豐扛弱步退不勇素餐愧
我猶蔽垣會觀桑榆時東隅已掃姦穢空西園車堅御良路可遠
眼前未可定輕軒叔能贈言一舉手猶勝杜老尋諸孫人間富貴
土苴爾得似定省躬晨昏

題楊見心山水橫披

季主不見長安市子誰置之巖壑裏一朝袖得白雲來不使青山去吾几清風襲人嵐濕衣山林朝市同一機白頭利達復何問但欲此山從此歸

題同年王君冕芳潤亭

我生有恨未入秦佔畢詎盡山水真每聞聒聒說形勝矯首空羨西遊人樊川真隱有佳處觸目便與終南親終南振古青未了秀色排闥寒嶙峋玉山太白峙左右變滅萬景昏復辰一亭風物宛隔世三時花木常如春瀉流瀧走庭下餘波遠瀝斯為津亭中之人何所事學有原抵筆有神英華瀝液日著見生香不斷流無垠陸冢徒說漱六藝心得乃與造化均人生有樂在道義此外何物關吾身憶昔充賦來京師姓名一旦達紫宸徒勞州縣二十載

秋風兩鬢吳霜新亦知此地有捷徑我車政爾方其輪清泉白石但無愧獲屈時也寧非信何年杖策遂一過巨觥盡洗胸中塵

贈李孝子和原功韻

倦遊度關如度磧草色寒與霜俱白按圖地則仍塞垣問俗今非社金革柔遠雄威角兩都二十年前我曾客李孳孝行聞里閭滌滌怡愉躬旦夕母心憐女不忍嫁嫁出吾門恩意隔子能養志安貧居姊處從夫入窳窳林宗何嘗貸五十爐韓自可來千百但知有母斯有姊誰肯同生不同室負甥真可繼賢躅輟饌猶能光史冊寸草幾何彈此心白雲幸免傷子役鳩情一分定寡恩大笑子廉錢置席

李叔儀御史榮壽堂

丹砂貯井水漬紅甘谷大菊千萬叢居民子孫受滋液里閭接武

期頤翁棗強仙人世中土飯飲但與齊民同一家四世皆工壽壽自有種天無功乃知丹砂與甘谷只在若人方寸中翁今又復近八十目炯巖電顏如童田娛里娛行不杖弄孫教子春融融子賢元宗早馳譽法冠義勇方乘驄聖朝推恩敦孝治鄉邑五品疏恩隆人間盛事及養志身外名位何卑崇可憐泉壤謾極品封薄亦勝追之豐斯堂繼今世濟美我歌翁壽傳無窮

送界畫林一清赴台州并序

予幼讀書江南舍書無所嗜買書苦無貲故於畫不能有况能別乎入京遊道廣時時有見鑒論品第味之積久因知古人以是名家亦豈易哉我朝傑出者蓋可歷數十門諸品各見於世獨宮室臺閣名者罕聞焉宣和祕藏所見不過唐尹繼昭五代胡翼衛賢宋郭忠恕而已則知此藝

世殆未易精也皇慶間王震朋者名一時今得永嘉林一清予所知二人爾天地事未有無法者畫雖一藝囿於繩矩而不為窘束乃可語其至奮筆作氣揮霍塗抹有足以聳動人者語其豪宕則可而未足語乎法也若夫千門萬戶正斜曲折廣狹高下毫釐之間不悖繩矩寓算家乘除之法此畫之有合於學而有用於世者也故界畫有可據以締構者有但觀美而施用繆悠者識者謂之可以拆架乃為得法此真知畫者哉一清多藝而攻於此所謂囿於繩矩而不為窘束可以拆架者也昔以岐黃術事文宗青宮出官監滄州稅改台州監倉副使其行士大夫餞之詩余序其首且為之詩曰

天地萬物有規矩大匠胷中具樓閣有人悟此謝斧斤筆鋒乃有

公翰學千門密可數椽闌萬間細不遺榱桷鈞心闢角轟蜂房各
抱地勢分垠墻橫斜平直自乘除高下蔽虧相脉絡按圖考制如
指掌拆架不許差毫末林君又得高古趣守法不受繩墨縛乃知
作事貴有益舍是但可資談議有言贈子試靜聽阿房迷樓勿輕
作後來賢者識寓戒淫昏適足媒其惡子歸好究土階圖聖治方
將復淳朴

題原功舅李氏遺經閣

湘瀏望族隴西李四百餘年業詩禮藏家無金惟有經建閣儲之
付子孫子孫相繼百年中閣燬而復兵再燬傳經有人豈終廢又
見輦飛轟雲起秦宮漢闕鞠為墟札栢誰能斧斤擬清門勝舉雖
偶墜詩書厚澤流未已閣能儲經俾嗣賢嗣能復閣為經侈經存
閣廢武可繩經廢閣存族俱祀直須經閣與吾嗣綿絡百世相終

始眼前風物搃天成群山連娟逝流水親朋一尊時宴聚談笑無
非扞文史豈惟道義淑吾宗遂見善良董晉鄙有甥翹翹金閨彥
記文高與前賢峙三生應是魏陽元成此宅相世濟美

薛子敬母壽康堂

人生有親期有壽壽而康寧世希有人生有子欲其賢賢而復貴
天何厚薛門有子號能養棄郡承歡備膏疹謝家寶樹映萱草萊
子綵衣輝白首只今稀年又逾半扶掖尚不勞子婦東朝敬老示
殊恩錦服侑以黃封酒春風滿堂扇里閣咨訝嘖嘖傳眾口人間
福慶豈力致積善已歷三世久聖朝浩蕩開壽域鳩杖時時歸
耄耋願推四海均此慶真見曾玄印如斗

寄黃文復

吾友黃君字文復肥遯山林探理窟高情萬事等浮雲獨於樹藝

常斲枝頭能出二色花堂下羅栽多品菊依墻沿砌僅存苔當
戶繞池皆種竹非因百趾無所歸五畝多應不容屋扁舟訪我黃
鶴磯笑我人寰混塵俗季也其徒頗好游簞土小山勞自築盆池
纔貯數斗水要看美華紅暎綠常聞種藕便得花葯須再歲生意
足君言我有已試方功比如舡更神速土和餅壓汗泥勻埋石
繭清漣沃君歸十日見毫芒薏尖出水青猶曲杖藜百繞望已切
茹才如線擎錢蠹鮮粒擁蓋渺何許黃萎遽似經霜酷其徒可笑
人為辭遇夜每遭蛙肆毒新根食盡人莫知遂使卵胎成殞殯鞠
仄早用蠅氏典定見亭亭雲錦簇墨香千里忽飛來欲驗平生橐
馳術我方絕倒力為疲不覺開絨機再觸蛙耶人耶未易究政爾
隍中夢蕉鹿種蓮有道敢告君近效小成車戒覆人間七澤闔於
天會洗而今益益辱

謝洪憲副惠繭紙

汗牛編簡磨竹木蔡氏製網功方興刻溪藤角會稽楮文場擅美
紛相仍東方妙製中天下照眼瑩滑涵春冰清泉縻繭融玉液不
動機杼成霜繒感公分惠到狂容欲奉瓊瑤道途隔等閒肯造五
鳳樓留草匡時萬言策

喜逢口

灤陽驛東北四十里山有雙塚世傳昔有久戍不歸者其
父求之適相遇此山下相抱大笑喜極而死遂葬於是俗
因謂之喜逢口亦猶望夫之有石也雖莫究其世代姓氏
而其言有足感人者故作是以紀之

兒寒解衣重撫摩兒飢推食孰忍訶長成與國遠負戈一去不返
當如何去時云戍東北鄙直出榆關度遼水白頭郎罷與影俱豈

憚山川千萬里天教此地適相逢父曰從天墜吾子笑疲樂極俱
隕身誰謂情鍾遽如此官家開邊方未已同生又別寧同死山雲漠
漠風颼颼山頭雙塚知幾秋當時不忍一朝喜今日翻成千載愁
猶勝負女化為石終古孤身雙不得清江寒影日悠悠行人一去
無消息

以墨贈伯庸

春風聯轡出瀛洲兄署玉堂我倅州倅州扉屨不違給况得操筆
攻雕鏤玉堂業攻代天語泓穎日與兄為儔黔川妙劑大盈尺約
囊幾載勞倥偬收中翰光燄待人發我非其才難久留黎芹非獻意
有在要助揮灑昭皇猷政如和弓到弄手此不破箬將誰求北門
草制退食後還寫新詩寄我不

紫微宮松化石

偉哉元功陶萬類翻覆洪纖等兒戲即死為生草化螢脫鱗附翼
蛇成雉紛紛朽腐還神奇况復根柯本堅緻長林絕壑雲霧深斧
斤難及幽潛地由來長育不假土盤結層崖出羔稚香流石髓日
濯潤孕秀含貞真有自風霜陵虐知幾年坐看寒暄變榮悴一朝
老極枝葉殘太古須眉失蒼翠誰知千尺歲寒姿幻作一拳山骨
峙紋理綢繆節目存流脂尚漬皴膚賦棟梁雖廢大厦用礎石政
為明堂備琳宮老仙好事者不憚遠途三犢致斯珎舊說出金華
欲識無由今忽遂但恨未狂未及見太湖靈壁勞兄事摩挲清氣
凜生秋猶似半天風雨至老仙指點笑且言君可寓意無留意石
居吾室豈吾有曾聞羸顛與劉躡詩成相對一掀髯大笑奇章牛
氏記

觀刈

春耕軋軒載耜來夏耘竭力空蕪穢天時人事兩無夫一飽今知
堪坐待農家到秋塞破屋此樂天今付貧悴禾頭飽重垂拂根粹
擦風聲傳鉦艾月明健卒擔如飛足繭肩赭汗流背一場方畝積
無隙更向隣翁借車載山妻啼飢已拭淚忙呼赤脚同掃碓餓夫
不言但臆對大嚼預搖三尺喙縱橫滯穗不暇收西風肥殺鑽籬
菜

覆田銅鞮宿榆社李氏小樓

市樓有階不可攀縱有風月無溪山中藏萬斛塵俗氣擾擾歌舞
羅翠鬢斯樓雖小獨全美四面青山一溪水清風明月不用錢咫
尺真須論萬里聚遠收奇景亦多可憐騷客暫經過主人力穡寧
恤此奈爾溪山風月何

琴峰夜月圖

有峰如琴青嶺屹有人能琴栖其間携琴獨對琴峰彈琴調况復
彈高山趣深境勝畫難巧助清出奇天不慳玉輪濕露軋遙碧陰
氛辟易開松關山人於時喜欲狂清風入指傾潺潺潛蛟起舞猿
欲泣石怪睥睨山英聆我聞至樂本無聲底用兩手紛如翺君有
真琴未曾撫倚空千尺嗟長閑扶桑大爾如甕盎我當為爾絃孱
顏中藏萬古不傳調奮臂一鼓驚區寰要令聾聵知蟻聞鈞天歸
奏通明班山人見此應絕倒山中有約何當還

錢舜舉關山行旅圖為馬良臣賦

江山信美非吾土何事飄飄無定所想因逐利利在途遠駕車牛
來服賈天寒日暮山路長羸特麤鞭背如堵往來如織有底忙觸
面相逢不相語琴書汨沒長安道趣向雖殊實同苦人間蠻觸方
紛爭得失區區都幾許我行四方定何為十年夢斷江湖雨披圖浩

蕩發詩愁政爾關山作行旅

書事為友人賦

有鳥突來居鳳池四翼濟惡喧一時面謾書市恣攘攫力障賢路
為嶮崎燎原凶焰未易撲懸河偽辯公相欺呼朋嘯類布中外禍
心包蓄將何為一朝奮出曰松者怒挾彈射爭先之中天日月靡
不照覆盆偶蔽天非私從知貫盈敗可必曳兵棄甲何纍纍亦由
遲速理有在機來間不容毫釐體骸能與孟青抗傳車又向窮荒
馳九重清問既下達盜者遐方皆內移君才磊落去就審氣節不
負先皇知因思鄙人昔孟浪詰難屢犯編須危幸災仁者固
不忍魯觀曾有聞人尸寄言同惡未及者宜早改行懲吾詩

以畫鹿為太師壽

祁連山中有神鹿毛質千年似蒼玉芝香泉冽不肯留來與仙人

服雙轂仙人兩手握化機陶冶宇宙成雍熙相看一笑陋昔典三
公但見圖車輜洞中有天春不老歲歲香風滿瑤草仙人自有長
生方更開壽域均八荒

至正集卷第九

古詩八七言

題鄒福傳 福揭曼碩學士僕能小詩

鄭家婢亦知讀書男子况得依名儒處身雖卑心不爾作事欲與
高人俱服勞薪水安所事玉尼為兵亦何愧滕藏永保無羽化濁
穢今真見蟬蛻衣冠巍然食君祿婢膝奴顏恬取辱一生醉夢富
貴中趨向正自慙鄒福詩成主人手為抄肯使酷酒如王褒

李仲山都事號梅庭主人求詩

君不見韋表微裏行不樂拂袖歸松菊主人舍我誰淵明百世其
庶幾梅庭主人清而溫觀所為主知其人歲寒萬木黯無色一脉
獨得先天春烏臺翠柏翳幕府出山又與柏為主舍英散點白筆
霜擢幹皆為鐵冠柱懷歸夜夜夢故山佳人倚竹遲我還寧知要

辨和鼎實蹤迹未免留人間西湖月前村雪萬古清香吟不徹相逢誰主復誰賓早脫塵凡見高節

贈解辰翁次卷中韻

理世輕士如泥沙長人論人當棄瑕竹頭木屑皆適用况犀有角象有牙螺江產才聞自昔我擷其實刊其葩歐陽昔以文瑞宋千載炫爛五色霞澹菴風節後莫比平園才德史所嘉只今有人淹冷職滿頭白髮纒黃麻時無趙倫誰見怒官似鄭虔無用嗟何當汲引厲頑薄色可變紫聲變鼉從知君子志拔茅其如深文面削爪但令詩書世有嗣休羨人間燭上花

力疾對吳閑閑大宗師象焚香危坐而成詩

宵人本是山澤臞涉世政坐飢寒毆五年黃閣事何補鍾作老病叢屏軀滌京歸來十浹日藥畧不可離須臾平生結客半衆字未免操瑟從齊等可人底事期不來承慶堂深誰敢呼邇來亦復詩作崇清減益見風標孤杜門却掃難折簡豈意惠然來畫圖相看一笑但臆對妙契未許危言斟清冰寒玉照林表和氣春風生坐隅齋居頓覺塵氛遠高致已逼沉疴蘇我方歸思劇迅矢公自有分居方壺過從此去計必少夢中道路多縈紆便當卷奉江湖去願得始終如屢驢

謝巖巖子山學士惠藤花

有賢大隱屢市居開國相君遺此廬相君勲業照寰宇太祝有廳才一區傳家不用金滿籬樹藝之外皆詩書春花未了秋又實坐看人世均榮枯東風一夕動芳籟老藤滿架青縈紆今朝紫萼忽爛漫頃筐采擷輸庖厨憐予肺腑厭塵土分甘來與華箋俱予非虎頭食肉相驚塊適足腴其膚眼明清供傾錯落老饕便可辭膏

腹薄持一飽捫腹笑報之但愧無瓊琚

西巖野逸歌為彰德路總管杜宏道作

西巖歌歌西巖浮空千仞青嶄嶄煙蘿為縵設險不作殺
與函黃精春莢蕃莫艾蕨香泉列飫老饒世鼎那復知酸鹹下視
野馬紛塵凡野人心逸陶至誠誰遣輕著從事衫方今登三五可
咸忠蓋連茹遠佞讒梗楠既收足檀欒縱有黃獨何由鏡鳳池烏
臺水照銜濟世欲藉為風帆憶昔與子同誦誦攻堅政府非鼓儛
吾歸吾郡子復堅勞不暇逸神所鑒山英它日敢子詰乃知子志
因民碧西巖歌歌西巖西巖之石美若城我辭不佞君其劓

題雲莊為韓伯順作山高月小圖

黃州江山如有待直待坡仙發光采巖行回首幾壬戌二賦人間
故長在當時泛舟挽椽筆奔走蛟螭泣神恠洪音蓬蓬號萬竅大

塊茫茫歸一噫山高水深人何歸獨有老月光不改孫峯嶄巖幾
千仞下有清流鳴石瀨蒼龍呀口一珠寒軋輪上覺天衢隘此時
清致似當時此竹誰能發天籟之人盡掃豪貴氣一片清紈收勝
槩按圖三叫臂欲飛夢香舊圖元修菜

題商德符為韓伯順畫山水圖

我朝善畫高尚書一變即至高曹南九方相馬迹固異妙處均與
造化參韓家此圖更奇崛展看撲面浮清嵐山疑近薄忽窈窕水
若清淺中潭潭望之如仙山中人便欲卜鄰茅一菴紛紛道路何
為者煙霞胡不窮幽探人間多事行可遣村社薄酒吾能酣滿天
清興屬何處煮芹燒筍春方甘

瘍醫許同僉求詩

君昔市隱為逸民曾視軒冕如浮雲一朝金紫不容却東華塵土

同朝曠斯民瘡痍未能瘳我不可愈宜求君宋清有道望報遠白
岑秘方何足云

題郭熙小景

河陽老筆無丹青三生曾是山之英神機蓄久忽抒泄意所到處
皆天成初猶跬步營邱行久乃奔軼天衢亨喬松大山聳物表高
堂素壁長風生有時斂束作小景咫尺已覺凌蓬瀛人間流落惜
無幾好事只訝千金輕中郎未許虎賁擬具眼能與秋毫爭但嗟
縑素日弊墜世無其畫空留名

孔學文奉先世毅夫先生元符三年甄叙告身求題

西江之水接洙泗三鳳嗷嗷鳴一世臨川有鳶苦相嚇不知鼠腐
鳳所棄孟也攻詆不餘力文章荀揚乃其輩中天振古有日月黨
籍豈容無仲季漢唐而下觀趙宋最號文明致隆治君臣舉措一

至此有識未免為長喙桑田變海綸誥存巋然不與靈光異聿修
世篤此縱無聖澤自可窮天地

題獨照長老文殊問維摩病圖

謂予不病形如削謂予果病神自若是在病與不病間我不自知
人豈覺有來見問意固厚轉語才形已稽粕菩薩隨者億萬計丈
室之中容綽綽將謂相逢說妙法掀簸乾坤翻海嶽不知此事到
此際難舉衡嵩等毫末娟娟其姝來散花逢場豈亦資諸語可憐
弟子神氣微盡力去華華不落天人本非革囊穢色香一瞬俱冥
漠只愁丈室忽塞破億萬菩薩何處着

小樓對開開宗師象因次舊韻寄之

鼎食不解肥我懼多病亦為山林毆中車孤舟任所適何往不可
容微軀莫言五十未為老縱有七十來須臾今年兩耳得差勝飽

聽萬籟吹笙竽閑人多事迫詩債羸老敗興時招呼小樓今日好
風色目斷天未冥鴻孤一時幽興豈容負况對蓬島神仙圖篆烟
凝坐共心賞盡醉更把空尊斟懷人未免有芥蒂處世已覺無廉
隅分江小鼎煮粟粒誅茅別墅營屠蘇遠山但藉一枝杖中流誰
辨千金壺菊籬秋香晚未減松窓月色寒相紆我行不武分歛迹
安得甘草資蛋驢

題米元暉山水

米家世以書名世馳譽丹青乃餘事小米觸處是天機掃絕眾史
庸俗氣家傳龍跳虎卧法分與冰紈作遊戲亂雲重重護幽峭半
樹紛紛立寒翠連綿欲盡不盡間幾點蒼然入無際每因淺近寓
深邃時出清雄變妍麗人間流落特毫芒好事偶得宜珍秘虹光
貫日爛不收依稀尚有元暉字

徐復初種雲堂

翠鵝山中許道士竭來神山遊戲爾神山雖不是蓬瀛有竹萬竿
斯可矣種雲堂深六月寒幽鳥啼碎青琅玕人間風日不到處階
蘚印翠何年乾門前擺極幾千畝秋風吹香入新酒主人遠在黃
金臺鶴怨猿驚亦知否我非山主苦愛山山不我厭那忍還欲言
佳趣竟難寫試看日夕空濛間

虎食隣豕

疲氓一豕關歲計翁媪且夕勞豢視敢思口腹資禦冬擬待今秋
了租稅於菟乘夜變其壁攫去怒嚼無餘觝豪家有羊過千百爾
不掠刺寧有畏乘虛凌弱犬亦恥天賦爾質徒猛犖太山昔聞無
苛政荒村今復增酷吏草萊蹂踐迹未泯是我昨日攀緣地下莊
周處世豈無畢竟爪牙何足恃

靜師感策歌

霜清萬籟于喞收老月軋露寒波流山僧具眼識野逸醉挾楚竹
來鳴秋一聲透空石盡裂剛風不掃雲夷猶驚猿無地避清響木
客為爾生新愁激揚初似士引角嬌滑忽如鶯轉喉驪珠熒熒細
縷貫水蠶繹繹獨繭抽傳燈應自龜年來翫世定是靈師傳昌黎
不用誚高唱形骸放浪為真遊松陰盤石月正午諸僧舉白紛獻
酌歸眠禪榻有餘韻水聲瀧瀧風颼颼

題彰德監郡法林和叔登瀛圖

瀛洲杳在弱水東世有舟楫無由通自非真仙具兩翼倏忽引去
如輕鴻人間塵土幾萬丈誰知乃有登瀛翁集賢堂館去天近松
雲華霧春冥濛景清池勝默感觸神遊恍惚空明中雲莊游戲實
其幻落筆便有神仙風望洋俯瞰萬頃碧振衣直躡千仞峯固知
此境本非遠此心到處皆蓬瀛眼前有道自不見瓜棗可聞那可
逢秦皇漢武骨盡朽文成徐福欺愚蒙赤霄冲舉世誰見仙與人
道將無同翁今分節守千里未許遐想求虛空政成但宜早解組
西山儘可留吟筇人生至此即仙爾底用辟穀成疲癯翁聞儂語
應絕倒他日此圖當着儂

閔松

蹠林喬松閱千古八百里滿知幾樹越從毫末至參天不識人間
有斤斧一朝混沌再開闢相宅龍岡來啟土梯山航海水赴壑官
署民居須棟宇工師求木破天荒始聽丁丁就規矩樹藩板地徧
郭郭萬億中才二三取生齒日夥資樵蘇沙磧岐岡竭榛莽遂移
殃福及此林大鋸相加卧撐拄段分三尺已專車枝節紛披溢膏
乳槎牙根柢抉至泉百年運載無時住山童地赭鳥獸悲陵遷谷

變風雷怒偶憑高閣一縱目萬竈炊煙鬱玄霧漸染人人服盡緇
薰燎家家壁無素燧人濟世固有功里巷亦療飢寒苦但悲明堂
梁棟器及物之功正如許貞安勁氣養不易瞬見成灰了烹煮馬
基羸槽尤可念日與蓬蒿同朽腐大材小用違所長多少傾歌無
一柱昆吾精鋼忍作針天孫雲錦難為屨聖人委吏雖不鄙賢者
伶官豈其伍嗟嘆不足形永歌聊為用才陳諷諭

題趙幹江樓風雨圖

人間蕞爾東南陬金陵李家無遠謀詞華欲繼後庭曲不見東風
空小樓當時百事尚纖麗况在畫工專末技洪河喬嶽昧平生曲
闌幽檻窮清致石頭城下無重關甲馬營中有佳氣九天飛墜曹
將軍畫卷版圖充上計小兒造化吁可憐乾坤又到宣和年君王
瑤毫自塗抹片紙落世人爭傳坐看南北又分裂遂使兩家同一

天偶從斷縑閱小景慨念興亡豈天定而今蕩蕩混一圖但少儂
歸理漁艇

赤壁

尊瞞禍水劇趙女漢火餘光能幾許蜀方傳薪噓未然吳偶束縵
成一炬萬艘枯葦沃以膏空江如鞠長風鼓九淵鼎沸羹魚龍連
營炭熾騰繞虎雄圖南紀成畫餅匹馬華容作窮鼠坡翁乘興賦
赤壁爛熳天機湧毫楮偶從雪裏寫芭蕉又似驪黃不毛舉考圖
求故此其地疾惡千里若躬睹江山蕭條歲華晚興廢人間幾今
古買魚沽酒吊阿瞞醉和漁歌短簑舞

遊君山岳州經歷善原道學正潘彥賓黃文復劉光遠同行
蓬萊瀛海飛渡難世人可聞不可攀水環千里萃萬景天下奇絕
惟君山湘君南去九嶷遠淚洒修竹留餘斑祖龍肆毒楮不盡終

天有恨埋烟鬢長松豫章鬱老翠攢列巖壑為禪關梵宮蟠蛟肇
典午烟霞金碧爭孱顏三湘晝夜助勺水兩湖今古浮連環霜空
木落快一覽坤倪軒豁呈天濛只疑六合總是水水外不復知塵
案滄波白鳥入滅沒斜陽孤鶴才飛還河庭龍祠縹緲見蜃樓千
尺搖青殷長風有時駕巨浪掀簸百恠愁神姦操舟之人膽欲落
回頭却羨山人間嗟予夙願今始愜捫蘿拾級宣辭艱要窮勝事
更繼晷列炬宿鳥從驚羈禪房深處借一榻清夢已滌三生煩相
從四子盡儒雅辭源萬斛傾潺湲飛吟亭中酒未醒岳陽樓上詩
方刪片帆談笑又到此淋漓宮錦倒白綸五城携手飛佩去九霄
清響流人間

湖南監憲本雅實理子謙昔為翰林學士奉使祠天妃伯生
有序送行徵詩其後

古來漕法無十令我元宏撫恢自天至元天子一四海京師仰給
東南田亂淮沂河略汶泗達躡瀛莫越幽燕盪泥踰埭幾跋涉留
連歲月喧勞牽雲帆遼海聞自昔東吳秔稻曾輸邊九重聽言獲
大利萬艘遂發吳門船晨興甫動望洋嘆暮炊已接蓬萊烟夜波
陰火亂明滅神姦恠狀呈蜿蜒檣摧纜斷一瞬間骸骨立腐饒蛟
涎天妃于時憫昏墊祥飈颭颭來雲駟漕官舟師續乃命遂使京
國豐年年禦災捍患著西典詔使涓潔嚴儀牲翰林學士北庭彥
風骨自是人中仙候神將旨盡誠慤坐致流澤如原泉都人萬億
飽紅腐豈知顆粒皆危顛十年我亦索米者無功素餐尤赧然湘
南邂逅識眉宇繡衣大斧光相纏紀功他日有佳傳我歌敢重青
瑤鐫

題周元玉北山堂

北山主人薄軒冕五十歸來已云晚眼空塵世但覺隘却愛鷓鴣
一枝穩有松萬壑竹千畝有菊三徑蘭九畹四時種植常不違組
綬難縈去忘返生兒京國早蜚英玉磬清溫明紀獻姓名籍甚在
樞紳奮翼駸駸上林苑白雲一夕忽入夢歸心如水流建功名
身外等土苴滌瀟堂前盡愉婉惠然過我琅琊山水陸跋涉不憚
遠論文尊酒花柳間已謝遊春曲江憶我言子歸真得計鄙俗何
知笑連蹇且求至樂在天倫但恐富貴來衮冕

登祝融峯

萬山南紀嶽乃衡祝融在嶽尤崢嶸諸峯羅列七十二稟如子弟
從父兄欲窮高險破曉去肩輿困處甘徒行不知石磴歷多少但
見脚底雲烟生千巖競秀路忽轉遠翠已復來相迎人間韋社天
尺五茲山去天尺不盈洞庭一勺見隱隱齊州九點紛營營我行

正值好風景節序今日維清明幽禽遠近鳴欲碎野花濃淡開無
名梵宮燹後僧未散鄴侯仙去山為輕危梁飛躡者誰子等開命
與顛崖爭入春淫雨日五決天幸有此三日晴平生夢想偶一遂
敢效韓子誇精誠刻名薛溜盡漫泐朱鳳不聽嗷嗷聲太山未敢
小天下歲晚好繼朱張盟

昭靈江樓分韻得法字

湘江腰烟動浮鴨柔櫓半天來軋軋昭靈灘上夕陽中猶見祝融
青一髮江樓酒賤花滿山萬斛好春天不惹散人今日百事無詩
籌尚畏申商法

徐叔清萬松嶺

山人住山手自鋤當時種松逾萬株山人仙去松故在黑雲十丈
寒縈紆十年種木昔有訓山人乃作千年圖子孫孫子謹封植休

美人間五大夫

題徐叔清野堂

野堂主人堂曾原萬松嶺下五畝園幾年經葺此數仞肯構有子
仍有孫堂東書齋翳修竹堂北水閣羅清尊城中塵土沒馬首聽
我策杖時敲門

至正集卷第九終

至正集卷第十

古詩九七言

分題賦燕山雪送蘇伯修赴西臺

居庸嶄嶄青萬疊一夕陰風出高潔龍盤虎踞屹金城幻作三山
白銀闕山下有人方遠征斯人斯境同一清楊華撲帳笏冠濕瓊
杯逐馬輅車輕終南太華幾千里旆旌悠悠畫圖裏疎狂豈似刻
溪行要領清寒肅西鄙不須戰白為子歌舉白浮以全叵羅滋溪
他日更乘興添築雪堂留小坡

贈道士楊南山

天台山南楊道士却從山北來幽燕東華塵土西風起烟霞不見
山南天明當排雲躋黃鶴歸向山南結茅屋莫作東西南北人山
南村醅春方綠

至正集卷第十

七古四

三十五

薊林石吳越間號至琛本宋向府物為監憲廉公所得今又入其甥萬戶齊家授經郎周伯温圖其狀求題

泗濱奇石大如斗巖竇盤紆開戶牖化工賦象豈娛人故作洞天似廬阜向子得之名薊林廉家異世同此心從知石兄頭不點坐見二子俱消沉人間尤物竟誰有一朝又入湯亢手勞心記姓終散落地下奇章亦知否我生政欠匡廬行畫圖一見眼為明紛紛得失拔未了又遣石兄依楮生

太乙宮劉真人傳道於呂洞微真人請題其卷

洞微真人洞賓孫道眼已入眾妙門行年七十知所化欲從靜裏觀乾坤乾坤善讓不自大四序功成各求退膠榮固籠良近癡道貴有傳復何待天台玄容拜下風有為物毋無為宗桃華流水杳然去吾見老子其猶龍曉來雨過西山麓夢裏白雲生兩足岳陽

樓上袖青地鐵笛一聲山水綠

和原功早作聞雨聲韻

開門松竹有餘滌一夕龍公布膏澤玉堂學士不能眠起坐濡毫灑元液已欣卉物回春榮又念鶴袍欲令碧右文拔茅心獨苦夜夜中庭看奎壁同年有人強任事伴食碌碌難塞責但教有雨無遺賢一任頻移北山檄

孫鼎臣儀齋

孫郎踐歷專向臚眾誇音吐鴻鐘如齋居揭扁有深意要從枝葉求根株聖人制禮本太一條分漸至三千餘叔孫所得僅一二上下分已天淵殊可憐不聽魯生語遂使漢治慙唐虞我元制作法隆古精鑿登用糠粃揄孫郎習此不容釋一生朱紫政相紆儀哉儀哉爾不忒齋中更究周公書

送述律存道師雲南

天戈渡瀘一文軌萬里滇雲去天咫宿師開闡張皇威虛位幾年
誰稱此西山豪傑蒿莖翁毛錐大劍均策功京華罵燕留不住金
菟遠嘯蒼山風蒼山春翠明如拭猶帶淵龍香霧濕徽蠻銷甲已
歸田襟畧囊韜貴蘇息開邊功利古所懲通儒事業宜知兵犢丸
取水盾鼻墨好向棘門歌太平

李平叔雙泉圖其子請賦

高人小數早袖手問學曾師魯齋叟一紵紫綬置臺省還夢青鞋
繞林數西山勝處在雙泉泉碧沙明淨無垢衡茅烟霞專一壑疎
竹風霜做千畝岡陵引勢護佳城黍稷崇墉足春酒水邊盤石平
如砥石上松陰大如蔀當時奮力爭國是豈意人間多掣肘何如
來此暫解紛坐閱浮雲變蒼狗囊琴不鼓非微物要與知音論然

否翁今仙去名故存豈待畫圖傳不朽

燈花

夜如何其夜未央燈花報喜爭煌煌應將蘭心紅一點傳作舉子
眉間黃眉間黃爾何若 聖君待爾蘇民瘼他時萬一負科名却
教人道燈花錯

至正壬午六月望大都留守星公吉甫以故事率其屬啟廣
寒殿視或罅敝而垣葺之有壬待罪政府法當與觀適中
使至自灤京賜留守正尊因肆筵太液池上既罪留守謂不
可不詩乃賦長句紀一時之盛而終以規諷庶幾風人之
義焉

人間炎暑無地逃神山何處追六鼇一朝凡骨忽輕舉乃得天上
參遊遨乘風徑謁廣寒殿不知腳底青雲高三庚清氣凜毛髮况值

宿雨增蕭騷瑤臺瓊室光射目藻井畫出昆吾刀西山形勢壯天府下上品類森秋毫蒼龍捲水噴遙碧玉階濔濔鳴銀濤一簾瀑布散空濶兩亭旣建懸周遭驪珠跳躍奪不得千氣萬力徒相磨石分輦路隱巖壑松挂薛壁愁猿猱紅葉太液幾千頃水仙雜雲錦袍宮官導我坐翠樾清風颭颭吹二毛上林貢餘有瓊果中使日下來醇醪九重殊眷在留鑰豈期邂逅及老饕賀蘭公子素奇士習氣正愛詩人豪自知網轄非所任宴享適足彰吾叨世皇基構示宏遠吾君繼述當勤勞願因登覽念世訓萬年盤石隆神臯

分賦天目山送馮公勵參政赴江南省

天目山茗水出諸錢銷沉天水覆深谷為陵岸為谷山仍蒼蒼水仍綠天家開藩莫南服浩如泉源湧金穀重臣分釐聯軌躅參預

乃獨操度律今年杭城固回祿煨燼遺黎將子告西湖歌兒自冰玉宵旰焦勞子所獨詩書之效置郵速吾子行矣吾拭目茗水出天目山吾子行矣何當還貞元朝士倒指難需子人筮蓬萊班

應制天馬歌

臣聞 聖元水德在朔方物產雄偉馬最良川原飲斲幾萬萬不以數計以谷量承平雲布十二闕華山百草春風香又聞有駿在西極權奇倣鐘乾剛茂陵千金不能致直以兵戈勞廣利當時紀述雖有歌侈心一啟何由制吾皇慎德邁前古不寶遠物物自至佛郎國在月窟西八尺真龍入維繫七逾大海四閱年灤京今日才朝天不煩翦拂光奪目正色呈瑞符吾玄鳳鬢龍臆渴烏首四蹄玉後鑿其前九重喜見達人格一時便勅良工傳玉鞍錦韉黃金勒瞬息殊恩備華飾天成異質難自藏志在君知不在

物方今天下有道時絕塵詎敢稱其力臣才罷駕亦自知共服安
輿無愛軼

哀棄兒

雪霜載途風裂肌有兒鵝結行且啼問兒何事乃爾悲父母棄之
前欲追木皮食盡歲又饑夫婦行乞甘流離負兒遠道力已疲勢
難俱生灼可推與其斃尾莫我隨不如忍割從所之今夕曠堊兒
安歸明朝道殣非兒誰父兮母兮豈不慈天倫遽絕天實為十年
執政雖咸腓發原有議常堅持昔聞而知今見之倉皇援手無所
施兒行不顧寒日西哭聲已遠猶依稀

送察士安經歷次馬明初韻

士安扁其讀書齋曰巢雲松

紅蓮綠水地有餘堊逸不受朱衣紆游心遠慕有巢氏雲松况復
如匡廬少年攻書安甕牖華屋何心豐厥節但將幽興寄高閑萬

物芸芸自芻狗朝來酒熟清而浮雲松勸我不我分雲今作霖忽
飛去松陰留此床吾民我初出京心口語欲作憐巢老吾土誰知
咫尺玉堂游地位清高隔風雨

偶閱可行書見其印章曰涇溪釣者戲為野語

道士只合山中居釣者只合溪中漁不山不溪朝市趁人輕余厭
重余誣彼道士者尤迂愚妄欲躋世為唐虞平生動為鬼揶揄况
負且乘招而呼山耶溪耶盍歸歟山有美如溪有漁

醬臺行并序

儻居鄉閭即蓬隅為塾以居明初馬先生熟東地多隙積
壤其南久與垣埒穹然如臺晚涼散步時一登陟思有以
名之而未得其宜也家人治醬醬利矣暴而屋近樹密相
為蔽虧獨此敞豁朝晨得日乃夷其顛而植甕焉明初笑曰

臺之名得矣古有將壇壇猶臺也茲非醬臺乎予方病暑
無棕喜糞壤之肇錫嘉名也為之大笑且為韻語以識之
歸來庸夫莫吾駭一畝之宮餽非買幸多隙地可趨嬉况復天成
臺有晒質雖糞壤若可賤朽腐神奇理固在赤曦西去涼颼生散
策時還升畏疊愛之強欲加粉飾此質何由發光采談言微中亦
偶然塵且可同紛自解聖人食品常貴醬老饕口腹尤有待熟宜
烈日屋多陰抱甕欣然得爽塏山人翫世一見之錫爾嘉名俾永
賴人疑取聲不校字畢竟此聲不容改又言間朴遂訝璞亦似怒
解仍及蟹彼帥三軍此微物比而同之豈相給彼雖雄貴足摧折
此則適口何尤悔山人菽蕨資用後一飽胷中無塊磊若教筆陣
戰風月便是金臺前郭隗古來多少難具言且言彭越還為醢

題仇公度總管所藏李伯時六駿圖

瑤池八駿聞自昔詭異宜容按圖索唐家監牧足擅奇六駿當時
最超逸蚪蚪張矢騁空闊掣電奔霆條無迹或牽或騎後四人有
馳有馮餘五尺雄姿殊相各臻妙攷驗知是龍眠筆開元善畫稱
曹霸斷縑留世傾金壁龍眠雖不及師承却是韓家能入室三人
既遠畫亦無九方不生驥誰識驥難卒得畫幸存主人為我加珍
惜

和明初種竹韻二首

此君相看凜冰雪凡卉莫動心如鐵市廛何處延清風擇地乃得
書齋東南枝不迷帶宿土蔣王應讓山中許七竿五本惠然來天
與其時適陰雨坐看翠葆搖金戈清陰已覆蒼苔窠荒寒一旦得
所主不違宜居其奈何小庭陋室因物勝課童灌溉疲奔命來賓
正待人撫視真造不妨吾嘯詠等閑人境隔塵凡有逕底用開三

三世云汝醉實誰汝汝固不醉吾方酣昨非今是今始覺汝不託
吾吾汝託知心幸得白眉公助勝復有青田鶴杖之化龍望已癡
萬一結實療鳳飢歲寒霜月安幽棲明年出筍應甘肥人間萬事
翻覆手千畝等侯亦何有七賢六逸不可呼與子相從為二友
洹溪有濤如捲雪洹溪有崖如削鐵良時有月仍有風底事屢隱
來南東佳人憐我汨塵土植物之中薦巢許斷雲移得碧琅玕使
似江南聞舊雨此君入室不操戈清泉供飲安白窠似賢政自要
培植草木縱如君何靜觀天道悟善勝此君有善亦有命一從
衛國美武公後世詩人幾歌詠凱之作譜特其凡樂天記得才二
三寧知一體具眾美不似柳暗荷花酣幽齋衡門楹無覺地幸寬
平根可託主人愛爾忘肉味何況其陰有鳴鶴即爾酷我殊不癡
軟飽大勝抗老飢布袍芒屨相依樓小兒裘馬從輕肥遠林等閑

一分手風月遂為城市有直須長養拂雲長慎勿翦移如賣友

和明初三臺懷古

匡朝本是人中豪誰令倒海流滔滔炎劉火力盡資土簣進欲與
天俱高谷陵變遷劇改井乃有殃池尉遲迥狂圖一旦雖幸成惡
迹千年豈容屏臨江率旅空若林銷沉兵甲江水深只言拊手天
下定不知吐哺誰歸心當時初敵無吳蜀蹴踏乾坤勞一足果然
蔓草猶難除傾矣天仍不為覆漢家病已深膏肓不能王人人自
王坐令流毒徧四海重為屠戮輕為瘡荀公初信退讓語瀝膽披
肝陳醜縷壽春仰藥固可哀帝且綴旒方播許莫將基禍尤黃星
亦教遺臭為高陵十功九錫成算在地維遂裂天柱傾奮威死後
無健者身不遭誅骨遭罵至憎甚欲及儲胥底用更求臺上瓦發
邱摸金將遺誰敢擬舜禹真其兒荒涼餘址地未盡更煩漳水消

磨之秋風蕭蕭動衰草天幸無情天不老鳩居幾換未暇哀翻手
周師戈又倒

和明初讀韓陵山温子昇碑

清秋行山村酒薄吊古興懷不成樂文章驗世有可悲賢聖之君
久不作青衣行酒塵再蒙草萊躍出皆姦雄渤海智囊括幾重奪
馬乃謂防山東人人欲化家為國滄海橫流無吟域老天豈亦厭
生民獨使姚興應葵惑區區圖陣成功難千年為爾一永歎前衝
後躡又橫山勝負遂判須臾間高搏因上九萬里玃重韓山觀舉
趾刻銘淪地復銷天永播殊勳窮萬年晋文浮華劇雲烟宇文尚
欲扶其顛南朝淪習尤綺靡百家湮滅一二傳麟兒未是文中虎
肆罵輕為駭人語若見蘇家大誥文未審為金為糞土

元統甲戌春芝生於衡安仁馬碧山先生堂其狀秀異雕繪

所不及先生子熙明初乞詩於安陽許有壬有壬惟馬氏
世有隱德發為禎祥宜有以歌之也乃為之歌曰

衡湘清深多隱德淑芳擷美久充積冲和一旦發禎祥鍾作三秀
備五色不生庭戶近媚人直以神光育幽宅亭亭小蓋出半身大
蓋乘之如翦刻珊瑚森矗十三枝一一分枝呈挺特紫幹堅貞曼
寒玉綉絲旋繞明圓纈先生昔蘊道德懿不肯人間輕枉尺流芳
已見世有人作善今知天可必謝家寶樹足英華咀嚼餘香輸綵
筆願言培植成休徵罔俾高山專擘擘

洹堂小圃黃瓜有合歡者明初賦詩過褒可愧勉次其韻以
寫哀曲

我生賦才匪王佐有腹無謀仍負我深慮覆餗走循牆營口老猶
資果蓏夏畦雨潤翠色交離離結實懸瓜瓠瓜種土德與匏異走

藤滿架榮枯稍碩蕃雖出人修葺降瑞生祥豈人力形如連珏巧
削成占云老圃其逢吉老圃本是草莽臣兔園作師於道尊冒榮
逾分退宜勇一飯未敢忘吾君讀書首貴安貧賤食肉封侯非
素願平生所遇皆偶然政似此瓜今此見黃臺不歌抱蔓歸白頭
獨善甘野栖吾君萬壽時雨雪明年更我釐庭詒

和明初考定武稷帖

伏梁墨妙懲難得但許臨摹入鐫刻可憐片石本無脛乃逐兵塵
走南北德光不惜身為羝席卷晉物歸其家遂令此石質俱售何
如荒場初不有江左善書豈無人不觀其字觀其身高標峻誓抗
塵表蘭亭宜擅千年春夷門不見長安日却從晉主效銜壁購求
又至瑪瑙亭轉使高人薄蕭翼力能全壁無相如天下不復知同
書中京廣陵幾秋草歸宿無真存莫保家鷄野鶩爭賞音移形蛻

影傾千金更疑摹印幾千百不聞舒賦刻其陰未狂嗟然稱博古
定武雖真猶不數人間真蹟竟茫茫支機石亦淪風雨

至正集卷第十一

古詩十七言

簇蠶次明初韻

上虞雨濕密用苦旁欲風透薄代廉夫桑何暇窺青帝婦飼已竟
圓缺蟾蠕蠕掉頭與葉黏知欲作繭尋歸潛蒿薪玲瓏三日覘婦
報姑喜喧風簷亭亭圓繳仍合尖行見絮帛周蒼黔折曬並摘不
可淹金銀堆積疑神仙鬻銘笑我無一縑

耦穀次明初韻

衰容逐人到髮齒方知學稼歸洹水長安索米久招愆種粟而食
今年始

里卒人以勤常早起一耕六把不信耳

首尾清泉淘種擇堅粟方斗流珠無甕底隴分不密亦
不疎牛行戒遲復戒止何勞促促躡浮壤尺許石輪堪任使老農

作勞滕口背邀犒吾尊有春蠶黃場細潤種及時一穀定得三千
米江南多水稼下地秧稻若針青若洗深泥分插苦胼胝幸爾勞
耘不勞耔

鑿麥次明初韻

南薰掃淨梅雨天漲雲一夕黃滿川摘鮮已漸入春磨便覺喜氣
浮炊烟老農促收急星火速客駭觀輟簡編如爭如竊窮日力耕
器利便收功全壯夫舞鈔曝將馮飢婦念餅喜欲顛風聲械械如
箕斂刃光爍爍隨周旋丈餘荆籠附輪脚自牽猶勝為人牽一人
日了二十畝少年鼓勇方無前大車繼運入場圃幸免荷擔頰人
肩又虞化蛾迫碾治田家苦海無中邊嗟子素餐未少報繁文署
手空成胼觀農揣已發深愧顏如渥頰心如煎便當酤酒與農飲
有麥不患囊無錢

一百五日簡郭子敬祭酒

小桃沐露紅娉婷垂楊梳烟翠鬢鬢一百五日好風景尋常萬事
如春冰但尋祭酒時飲酒莫似左丞徒負丞提壺多情日喚我我
耳不聾難不磨

再用前韻

春如時女矜娉婷老夫短髮冷鬢鬢惜春乃值春見笑好惡何啻
炭與冰詩不能形欲求畫世無高人王右丞春母自恃行亦暮賴
有幽鳥呼能磨

和郭子敬春寒述懷韻

白虛光冷天無月水玉不受昆刀切東風花事尚未遑且辨人間
三尺雪玄冥功成宜勇退底事不與青皇別敢將餘力抗發生坐
使瑤琴聽絃折凝陰頑守晷難消鍾作冰山橫截薜樵蘇路斷但

僵卧土銜蕭條晨未藝幽詩曾著二之日氣候此時當栗烈如何
春已三去一不教解凍為澄澈鴻雁流離久斷魂犬鼠紛紜方蹀血
庇寒誰為拓廣厦効用何嘗儲木屑遂令赤子走林林一食莫充
衣百結我知老子昔乘軺躬撫瘡痍扶廢甃天上賢關莫滯留夢
中牧笛聞嗚咽抗章一旦達九重吾年如此吾才竭榮華過眼固
如雲惻隱根心宜似鐵宵人投効得過從自信飲水無內熱曾虛
鄒律向燕谷弱步豐扛笑癡絕吾廬受凍乃所甘深幸調元有夔
高行看民物圓泰和肯使陰陽變妖孽山林歲晚任荒涼却許松
筠堅老節

麥飯和明初韻

瓶儲方歎無一粒有穰爭先登烈日獲而修治勞婦姑滑軟甘香
過藁粟山人不辨異味重空齋飢吟坐高春一盂口分遂一飽功

與薄持牢九同從今不歎魚生芥啼飢之人亦楚楚犁鋤白杵出
艱難猶勝無功索紅腐一人之飢猶我飢窮達有命天何疑可憐
李岳苦射利忍不分惠從施靡徽陵不灑董宣死因笑人生聊復
爾休誇方丈具八珍至美中間有釣餌不能不食如飛仙揣分亦
不煩四邊但期雨暘致時若坐見四海均康年君不見何平叔湯
餅汗流愧盈腹又不見吉士瞻夢欲微祿充其蒿豈知賦予分薄
厚強顏過望那能久吾園更有芋魁肥未許膏粱專悅口

次白公巖留題乾宣寺壁間韻因以寄之

人間一樓不二雄山間宜食三斗葱夷神委命政不惡底用咄咄
時書空翟公苦隘遂謝客自有佳人寫曾聽碧雲又向瑤海飛老懷
獨與秋寬窄

瘦馬圖

當年體如韓幹畫匹練吳門光照夜沙場鐵甲百戰功名都玉勒
千金價而今身到伏櫪時可憐駿骨寒羸雖北風驕嘶一振鬣雄
姿猛氣仍權竒威殫其力哀忍棄主人有德宜終惠莫教百故逢
一菽食不盡材辱奴隸明年芳草春茸茸一旦充澤如遊龍龍兮
雖老智不老猶能引導齊桓公

李惟中學士自西臺侍御召入以未央宮瓦硯為贖作此謝
之

漢家作宮法紫微金鋪玉戶明華棟甄宮陶瓦極能事鉛丹細搗
咸陽泥一朝神雀去不返秋風黍稷驚離離谷陵且變此宜盡一
二時出農夫犂人間購求作珍翫洗刷篆籀分毫釐西臺執法好
事者礮磨為硯尤瑰竒體呈金壁徑尺許沼開新月才一眉堅如
鐵石溫如玉墨聲瑟瑟松風吹惠然匣送感高義但惜所與非所

宜公才真是謫仙喬善事利器方相資嗟予蕪學忝詞館雖有此
器無能為世傳銅雀亦佳品搜荆黃壤今無遺高皇垂統四百載
老瞞何物敢等夷愛人屋上烏亦好况茲適用逾端溪楮生毛穎
賀得友坐令几案增光輝代言揮制固多愧玉堂風月猶能詩

覃懷衡彥舉先生蓄李伯時九駿圖山谷題其後游金陵傳
觀淪失者二十年其子公輔良佐為掾京師購而復得求
予為詩

衡公得畫世所無江湖常與琅函俱一朝羽化不知處扼腕拊髀
時嗟吁翁有佳兒嗣弓冶直教合浦終還珠鬼神呵護二十載絹
素無損仍無汙展圖知是伯時筆題品况有涪翁書群龍雜還各
異態蔽虧迴折分錙銖開元曹霸曾有此揄揚復得杜與蘇雄辭
不泯畫已滅人間鴛驥方齊驅獨於洗玉池邊月還照當時九駿

圖

題蕪湖東川夏嗣德紅塵疎處

紅塵可厭無處無山林差勝城市居有人營葺得佳地不求與密
惟求疎天之蒼蒼豈正色野馬生物均以息誰言是氣不是塵政
自混茫無所極問之山人初不知但言吾廬吾愛之清泉漱石風
掃地纖翳不許縑吾衣東華軟紅高十丈烏帽衝蒙矜俗狀不教
疎處著疎慵日暮碧雲空悵望

送朱公衡赴曲靖儒學教諭分題得點蒼山

點蒼山高幾千尺上有皚皚太古雪晝日無光燦不消遂令仲通
坐失律我元肅殺中有春金戈一指凝陰釋曉巖天險成坦途區
區段氏安能國百年恩德化狙獷文教涵濡有今日若人蚤負跌
宕氣秦蜀家詔皆歎迹子長因欲窮幽竒不是中華容不得滇庠

弦誦聲洋洋當時臯比僅半席渡瀘跋涉二十載一袍才似蒼山
碧蒼山境勝行有詩便風慰我長相憶

劉竹溪手植松歌并序

安城竹溪劉先生兒時植松屋西今百五十年亭亭入雲
矣曾孫志雲繪為圖徵言於予志雲孝弟著於鄉精藝開
於時翻其松論其世其樹德者乎為之歌曰

世方植槿務速滋種松待長知幾時槿花朝開幕即落松也動是
千年期有人不作淺近計眼前便立雲仍基當時入土等毫末灌
溉培護如嬰兒爾來一百五十載墨雲千尺寒參差勤渠封植已
四世邱山深閭梁棟姿樹猶如此不用歎竹溪挺特羅孫枝老夫
結節太行下手開三徑勞鋤治有時松陰獨箕踞坐受瑟瑟清風
吹因君此卷增感慨田園荒盡不賦歸來辭

送吳雄甫赴肇慶經歷并序

毗陵吳君雄甫蚤以藝受知當途出官福清州判官丁父憂不赴再調肇慶路經歷將之官請言於予予聞雄甫多藝尤長於龜卜即其所長歌以為贈

天生神物聖所謀廬江貢後傳嘉林三王雖異理不異世遠誰復鉤其深楮先生者穢遷史乃欲鄭海歸蹄泮宋元衛平等俳詭那識聖賢天地心遂令舉世信矇瞽瓦石尊蓬總能語豈知是理固有在曳尾泥塗誰探取有人學古知造端造荆不離行李間縉紳獵纓日滿座想像季主居長安黃麻又長端州幕綠水紅蓮殊不惡我知枯骨初無情萬事來前任紛錯臨歧一言子識之勿舍靈龜觀朵頤况復前賢有令躅三年一硯不持歸

題王公巖雲松巢公儼今為山東廉使因寄之

鴻荒無屋人巢居有屋不處端如何應嫌華麗欲返朴擇地更取高而孤雲兮無心偶出岫太空浩蕩隨卷舒不為白衣變蒼狗宿留乃因髯大夫有人目得夏絕處致身此地如匡廬龜荷燕幕皆寓介人間大厦從渠渠雲將行雨松且棘經營予手良拮据厯下亭前好烟水故巢何日當歸歟

餞彭大年真人代祠東嶽東海

登太山小天下觀於海難為水吾師分香出黼宸岱宗東海在秩祀宸衷所繫皆繫社人間無物不沾被代祀茂典即竣事餘力應能究斯理峻極於天閣無埃升高望洋竟何止莫論儒道有同異歸來試為吾舉似師母吾靳憤吾啟要效涓埃報

贈上人潤玉巖

雪峰鷲嶺雄振古孱顏萬仞知何處宗門秀拔見玉岩不在山林

在城府斯巖非石亦非土出自崑岡與元圃即之溫潤磨不磷况
復虛中納天宇人間標榜特寓余身猶長物誰其主吾黨楊君廷
鎮甫談禪長舌能覩縷萬法不似今有侶一真獨為吾師露又當
聽我扣巖扉清風習習生談塵

題劉文廷博士山水圖時方赴江西儒學提舉

山人有山不容住成均幾年司律度愛山鎮日對畫圖一旦捲山
遂同去人生有夢皆槐安我夢但在林泉間東華塵土西江水振
衣細看青屨顏揚州騎鶴天不靳歸來仍佩文臺印滕王閣上雨
晴時風烟觸目家山近塞予夙志在匡廬孔賓更有人相呼江山
如此不勇往空羨劉家水墨圖

宣政管勾黃仲網居庸關奉迎有長句次其韻

少年逸志輕奔走詩到居庸劇勝口往來倏爾四十年坐對青山

成白首洪荒有此森哉菟雄勢遠挾祈連來想當草昧度兵甲立
鼓元氣為風雷國家不恃山溪固汪濊厖恩均北戶此關設險由
自然中開一線朝天路玉峯巖巖明晚晴下有琴峽流清冷梵宮
新塔助偉觀宦游陳迹傷多情平生北門與西掖何補蒼生百萬
億烏臺適植柏繁霜白簡深慙筆無力瑞雲五色從六龍電旌淡
蕩搖祥風從官契闊又半載相見盡訝增衰容衰容已分妍作醜
碌碌尚隨人十九不許門下戀三升賜觴已沃黃封酒

題金坡圖用原功韻

道人持畫來求題老子勞形日無暇今朝在告始展觀拈筆因之
自陶寫平生性僻苦愛山歸夢時到長松下况茲金坡是仙境歌
詩洋洋播華夏四時佳景列清供千里餘青入平塋老檜長松有
典型瑤草碧桃無艷冶何當掣脫浮名鞵六月寒泉看飛灑興來

為草步虛辭楚語猶能追變雅有山不歸空玩圖可笑吾儕無健
者蒙莊遠意寓鯤鵬危言莫究程生馬

題明皇按樂十眉圖次明初韻

深宮肇亂胡旋舞孝經注後攻樂譜國經由是日陵遲蒼生憂樂
忘察眉察眉文具寬大詔寤寐妖顰如窈窕麝煤螺黛二爭妍香
痕盡是危亡兆半天錦綉明驪山翠盤雙袖縈弓彎隋家長蛾我
龜鑑茲乃十倍來承顏三千佳麗無一可有一於人足為禍如何
叢斧伐乾坤馴致君臣盡通播雨鈴腸斷非管絃才憶曲江曾直
言旋聞追念復入畫欲心尚未澄其原穰華滿眼一鼓下英皇不
見山徒赭粧成豈欲事他人棧道君王驛代馬歸來悽惻望都門
橫雲却月誰生存等閒頭指在李父太上僅得虛名尊古今治亂
翻覆手移王更說西王母遂令健婦把鋤犁幾處耘籽廢十耦大慈

壞壁貌不揚斷縑示戒留餘香蜀師胡不寫淚粧九原擬問蘇賢
良

僮屋為大雨所仆歌

豐安坊西李氏宅締構甲子逾周天我歸我里却無屋割金僦居
今七年中堂堅完遂龜縮傍舍草茨繩樞然諸僮環處數百趾分
房戢戢蜂窠聯早乾跨歲三百日縱雨簷流才涓涓伊誰賈勇恣
傾瀉通衢一夕流為川坐令闔郡若一室藩籬剖決無中邊朝來
異響忽震地連京接棟皆傾顛扶泥出嬰幸免死庖厨竟日寒無
烟昔知將覆不早治今日至此誰之愆萬間初欲及寒士此心已
負歸宜過家僮瑣瑣不能託庭荒况說治其田作詩自笑實自愧
敢效茅屋秋風篇

嘉蓮歌次可行韻

相攸西郭濱吾洹老病宜退非遺賢平生竊慕君子德池上種竹
池中蓮蓮兮胡獨出奇異聯房蕊簇金絲鬢二妃同體面目異七
澤移種根株連書祥史籍見歷歷走觀士女來聞闐人言培植久
方成一泓疏鑿未及年自知不作駭俗事茲馬誰握生發權形容
敢勝周子說胚暉又在太極前亭亭照影欲輕舉凌波微步俱清
便倦游夢不到玉井歸來老屋安一厘小池偶爾薙蕪葦池上弊
亭木數椽酒從隣費已多債詩取意適誰令傳天公特與慰岑寂
嘉瑞湧出如原泉卯君有倡阿買和童歌况復清且綿欲為表頌
僭歸美奈此嬾痼誰能痊予心真樂更多有傍花隨柳在前川

瑞蓮歌 并序

附載 洹濱原韻

圭塘落成之明年歲次己丑七月既望吾兄中丞公與容
小集塘西南雙洲前產瑞蓮駢花亭亭異帶同跼殆陰陽

和氣鍾為禎祥天以慰老臣錫眉壽而昌子孫也惟公高
科起家致位丞弼贊化機培善類三十年矣謝事來歸田
不足供伏臘而林塘栽植竭力資之蓋欲靜觀四時生意
之妙與造物者遊而積善餘慶吉事有祥嘉瑞之見理亦
宜哉有司欲以 上聞公退然不足而好事者繪為圖矣
有享退而閱史唐開元至宋紹興四百年間僅十七八見
表箋歌頌逢涌杏作雖不奏祥瑞乃公素心然游泳至和
歌詠太平不可無也乃為之歌曰

圭塘活水分清洹主人嗜好同先賢蓮根培植未踰歲孰謂一旦
生嘉蓮初疑霞臉影附鑑又似絳幘了分鬟幻成綠鳳翼自比琢
開香玉環仍連李唐以來具圖表趙宋奏賀尤駢闐我 元聖德
極涵育瑞應只許書有年嘗思至正辛巳夏吾兄實握綱轄權廣

寒殿下太液池亭亭並蒂薰風前守臣有請願馳獻獨以義折煩
便便歸來對此蹄泔水肯將異卉誇里屢吾鄉自昔號多士諸君
巨筆如修椽僉言此是閭里榮歌詩脩與圖俱傳身閑意適物乃
寓園林何必皆平泉天公定為表餘慶慶緒日與絲絲絲蓮萼有
子風味好不待食藕沉痾痊願言七澤均此瑞主人福壽方如川

至正集卷第十一終

至正集卷第十二

律詩一五言

游青山十首并序

至順癸酉七月三日避暑青山高武肅公祠墳其孫江西省掌故
箴竹樓暨湘鄉別駕高昌海朝宗從遊率爾成詩十首書其壁

詩曰

炎氛漲畏途一舸逐憑虛
楚閩天疑近江清暑自徂
勝游三日約陳迹五年餘
不待松風起文園病已蘇
地僻心逾遠林深曉更涼
竹風芒屨快松露葛巾香
綠蟻新開甕金鱗旋出塘
人生行樂耳何處是仙鄉
避暑無逃處違家一舍遙
柳陰清入座湖水暗通橋
涉世今成老投簪豈待招
幾多蕭散意得句寫芭蕉

至正集卷第十二

五律一

五十三

雅志便邱壑微行徧稻畦瘦筇隨竹去幽鳥避人啼歲月憐華髮
塵埃認舊題山靈應見笑明日又東西
健步從幽討籃輿底用乘山腰縈細路石角冒寒藤物外何蕭爽
人間自鬱蒸松風灑不盡松月又鬢髻
放曠文明世徜徉武肅祠杯搖山影動坐逐樹陰移晤語宵忘寢
佳人夙有期興來真不淺吾亦愛吾詩
斜日班荆處漁梁古岸隈人移蘭櫂去菱滿竹筐來真樂閑方得
幽懷淡自開欲知機事息鷗鷺日相陪
避俗方無策尋幽肯計程巖姿留曉潤泉響挾秋清撫樹時時立
看雲緩緩行樵夫頻回顧應詫誦詩聲
風烟盤古登步步入高寒帶月領雲子分江試月團松間華表出
石上翠苔乾清夜聞天籟身安夢亦安

喬木如霜木今餘幾故家鳳來竹有實塘老桂仍花地脉符陰德
天恩照相麻寄言蘭玉輩好為護烟霞

沙湖道中

城居如坐井出郭始知春草色纔翻燒禽聲便可人遠山來邈迤
羸馬去逡巡喚醒三年夢東華足軟塵

田家對雪

野老能留客柴門便反關落梅點衣上飛雪墮杯間地僻偏宜竹
窗幽更對山自憐真野逸瓶罄不知還

石山廟

行山無遠近佳處即徘徊竹雪迎人墜松風拂面來黃冠形類鶴
畫壁影留苔可惜清虛境元關扣不開

題彭道原拙存齋

拙存存底事大巧寓其中鳩羨巢無費龜憐技有窮山林留晚翠
風雨罄春紅要見真知處歸舟月滿蓬

送張大隱

相逢席未暎行邁底跋跋館閣頻虛位江湖有逸民夢尋松菊約
歸及柳梅春好在扁舟月詩家自愛貧

題友人山水卷其人徵索甚急故篇終及之

江湖多脚債見畫記當年千里纜盈紙三山不避舟松杉深隱屋
洲渚遠浮天鯨錦須還客題詩豈望傳

送洪莘野赴江西儒學副提舉

江西士淵數命子挈網維湖海游將徧牙緋老更宜落花三月路
行李十年詩莫道榮歸了清朝樂育時

夜至櫓巷

桴鼓遠銅籠前驅列炬紅星芒寒拂地江影靜浮空聽語漁村近
連航水驛通不才慙傳食鮭菜足為供

荻港早行

水國宜秋晚羈愁感歲華清霜醉楓葉淡月隱蘆花漲落高低路
川平遠近沙炊烟青不斷山掩有人家

餘干州解小憩許牒紛紜用察掾董仲達韻

風景足溪山忽忽道路間如何窮日力不遂暫時閑
虛吏原多事吾民豈素頑萬言臣有獻虎豹九重關

夜行潤陂

蕩蕩唐虞世區區蟻虱臣露餐烏攫肉夜渡馬知津危棧依山盡
微行到水頻風霜儘蒙犯庶用答涓塵

高安

接浙窮朝暮圖南興未闌松高山寺古稻熟野塘乾畧伯才容騎
茅柴不戰寒太平真有象耕鑿徧岡巒

晚過韶州

世去重華遠名偕二石存溪寒清見底榕老亂垂根埜色偏宜晚
民居僅似村曲江人已矣楚些擬招魂

橫浦登舟

南征殊不惡樂事總相關馬上行思句舟中卧看山盡收烟景去
滿載月明還何往不自得浩歌天地間

宿清遠縣北十里

黃茅叢竹下風雨夜維舟古岸懸將墜衝波亂不流有懷嬰世故
無夢託鄉愁記取蕭條景他年說壯游

送山長陳京仲歸天台

廣文官何冷亦復滯留人羈思歸方愜親聞樂最真夢闌鍾阜月
詩到浙江春好在編欄服無羶未是貧

游崇因寺和白巖張老韻二首

禪關謝塵俗風景助詩才濃翠筍添竹亂紅花覆臺山林憐獨樂
魚鳥喜頻來野興真忘返方池絕點埃

問俗來山寺尋詩愧不才松陰拂樽俎池影倒樓臺竹亂參新舊
雲間任往來回頭見城市鞍馬又塵埃

次伯庸雪中見贈韻四首

雲合天無隙窗虛硯有冰畫圖山杳香水玉夜澄澄得句時呵筆
懷人獨剪燈兔園君自到才薄我何曾

茶烟紫半濕簷筋已垂冰銀漢餘波遠瑤天萬象澄春生小甕酒
寒入短檠燈安道何須見清遊但記曾

占歲欣宜麥書經貴有冰兩間虛自白四海穢皆澄茶鼎親融水
書窗遂罷燈燕山見如席吾與李俱曾
梅花香不減瓶口滿清冰綺戶時凝睇秋波欲共澄寒深宜暝玉
吟苦謝孤燈歲晚新知樂如君未見曾

送李理問之雲南且過家焚黃

滇池雖萬里稠載聖恩迴僭爵辭天關携春到夜臺蒼山寒玉潤
瀘水瘴雲開更有綏懷術園扉任草萊

贈吉安徐明遠用卷中契世南趙秉彝韻二首

昭代無遐棄青年有勝游酒方彭蠡月詩又漢江秋黃卷休停手
朱衣待點頭贈言須自勉野水正橫舟
匏瓜能不食多事作聞人杞梓雖儲用松筠豈媚春幾年勞涉世
萬里要知津莫把窮通論儒冠不誤身

挽熊伯韶

琴書真可樂鉛槧復何為地有見親處山無作礪時舊書留祖訓
餘澤到孫枝却見庭前竹誰能不爾思

題鄒福勤耕亭

力學能沾祿勤耕或阻飢堇人都不校素分但安為心事三春雨
生涯一卷詩有師當卒業負耒更何之

劉太保辭翰

真主開天地蒐賢盡顯幽慈航憐病涉滄海障橫流管仲慙當國
張良足運籌長歌撫遺墨老泪泣難收

題張方先生傳

張子生不顯九原名始揚傳銘雖可託道德自難忘泉石三生夢
詩書奕世香人間多富貴湮沒復誰傷

送方子敬之潮州知事

久客歸已樂青衫况有成鵬雲萬里近鯨海片帆輕儒貴知時務
人毋忽且評請觀韓廟月千古照精誠

牛羣驛同雲莊治書登市樓

清秋宜縱目野曠更憑高遂得尋詩地都忘出塞勞乾坤同是客
湖海尚容豪却被青山笑茲游已二毛

題司程保保所藏天歷

宸翰
御書如日月合璧照乾坤一介名何幸千年蝕不昏清光常在上
真實重詒孫却望橋山路孤臣欲斷魂

紅橋

遼海隳東障居庸洞北門紅橋一線水白刃幾人魂亡地天時幸
生祠像設存古今三世將珍重道家言

奏事洪禧殿賦殿前芍藥

灤京朱夏半紅藥盛開初天欲留春律花應待乘輿一臺香霧濕
千朵錦雲舒立轉雕闌影愚臣有諫書

臺治有榆一株巋然蒼翠愛而賦之

歷歷天河種誰移執法庭地因無勁柏爾遂似祥蓂皮抗冰霜黑
枝留雨露青誅求鑽燧者瞻望敢干刑

臺府獨坐二首

老僧烏寺住獨坐竟成癡草色催寒早榆陰轉午遲庭無榜掠事
案有倡酌詩但負風人意素餐非素絲

吏散階除靜時清簿領稀癡蠅旋筆坐馴雀入簾飛風濯絺衣冷
香縈縷篆微葦吹來咫尺又迫鴈臣歸

居庸道中次韻

翠壁懸樛木蒼松掛女蘿霜清天宇豁林瘦月明多漸覺趨時嬾
猶能對酒歌建瓴東列國休羨漢關河
宥扉如卷畫濃翠濕烟蘿雲影和秋淡泉聲入夜多擬賡黃竹賦
還憶紫芝歌萬騎陪明發霜飛月滿河

中都出郊

羸馬不勝策搖搖復西東天低雲易雨地曠日多風寒草分山翠
秋花散野紅悲笳起寥廓回首見鷺鴻

挽張師戰沒

二首 御史良卿父也

全勝饒奇策其如不用何英雄惟有死今古亦無多名最平蠻傳
魂悲上屋歌通川祠下水千載溢餘波
齟齬聞征緬知公獨殞身西平賢嗣在太史特書新深也非臧律
天乎竟不辰忠誠來有素珍重畏屍人

迂憲使晚回

地偏心自適木落眼增明雲氣寒縣雪溪聲夜到城推敲仍習氣
奔走負平生盧使清如水何慙束帶迎

曉游宋氏園

畏景宜清曉微行出繚牆曙分烟柳色涼滴露荷香熟果時聞墜
栖禽忽見翔主人好事者新韭薦黃梁

秋日宿宋園

不宿招提境來親山澤臞蛩寒聲漸溢螢濕影如無糠燭偏勞剪
村醪不待沽夜深清徹骨松杪月輪孤

冀宜溫氏五世同居

詒訓傳無替承家慶有餘一鄉推孝弟五世共田廬世遠氣常通
根同枝可疏雲仍惟念此忍字不須書

寬河道中

山行三百里吟思滿征鞍殘雪藏春信野風生暮寒關河南北迥
道路古今難回首京華月故人坐倚闌

赴臺回留別諸友

尊空燕市晚回首各西東千里鴈聲月一天霜信風功名蝸角上
歲月馬啼中窮達非難較年來句頗工

撒河道中

浪遊成野逸詩與景無窮雲岫雙蛾翠霜染半頰紅馬嘶知驛近
牲膾識年豐嘉我方青鬢無勞問轉蓬

曉發漁陽

和夢起忽忽醒心聽遠鐘風清天欲曙月淡露方濃野迥遲良驥
莎寒泣暗蛩飽嘗馳騫苦逾覺貴疎慵

送陳雪崖學錄歸洪都

清朝誰自棄韞匱價難酬世不逢青眼吾將分白頭塵埃無暎席
江漢有歸舟會從南溟去蠶池願少留

送孫幹卿赴武義尹

筮仕得美郡還家猶故貧一途無改轍百里定回春邑小琴能事
官閒筆有神他年淮海月應照錦衣新

送盧仲禮知崇德州

昔賢榮作郡作郡復如何見說江南雨都成龍上波子應諳浙俗
我政困淮醴他日循良傳先聞五袴歌

隴西田氏志節

呱呱周睟子踽踽未亡人宰木已勝器堂萱才見春青雲華表出
白髮綠衣新滿眼桑榆福寒燈不誤身

過胡安常治書倚廬

涉世初何意微官本為親一朝成永感千駟等纖塵猿鶴能留客
烟霞不妬人惟應舊心友知我此情真

次傅殷卿助教韻二首

事業慙明世光陰逼暮年誰知天趣客却作地行仙迹任時人笑
文須後世傳洹溪足清興何用買山錢
江湖三十載今日是歸年鄉國猶為客身心已是仙境清無世界
詩好有家傳明月清風滿何曾費一錢

清明日登樓借友人韻六首

隱市俄三月登樓得四郊檻花栖落蓋墻竹出新梢勝日宜尊俎
屏軀怯酒殺歸耕今已遂桑扈聽咬咬
樹色晨烟重池痕宿雨盈至音求土鼓荒獵謝山棚難字從人間

新詩信手成誰家競春事柳院拂銀箏

賞花辭上苑栽菊擬東籬畏病時停酒鎖閑刺賦詩年來輕節序
事往見襟期底用歌壺缺吾方和竹枝
倦鳥方依樹祥麟已在郊開簾納山色俯檻見松梢江水甘宜茗
畦蔬美勝穀禽聲闌樂意終日任咬咬
春光時顯晦天道寓虧盈方外神仙境人間傀儡棚讀書期自得
學道愧無成俯仰吾何怨桓伊豈解箏
畫盡幽居景疎梅映竹籬歸田平子賦招隱太冲詩勳業非無意
風雲自有期春工多巧思付與背陰枝

牡丹始開值雨

小人傾善類恠雨妬花王國色嬌含潤天葩濕吐香太真初賜浴
孫壽慣啼粧富貴吾何羨開晴護一觴

桃源雅集圖

削玉千巖合蒸霞萬樹開漁郎迷路至先世避兵來洞裏常春色
人間幾劫灰可憐劉阮輩更復說天台

憇周氏園 二首

出郭才幾步芳華聚一亭雲迷花作洞路轉樹為屏老圃烟蔬翠
微行雨薜青小車來莫厭吾自掛雙瓶

狂遊常徑造殊勝得城東木老千章合花深一徑通石盆留宿雨
竹牖度清風詩思方泉湧芳尊莫放空

同劉光遠盧正卿遊青山途中即事

麥秀雲初合花濃露未乾山光晴亦潤春色晚多寒歲月歸田樂
詩書用世難鴟夷有餘酒隨處駐吟鞍

和正卿韻 二首

十載纔三至餘生得幾來好山迎道路新雨斂塵埃澤菽晴方茁
巖花晚尚開明朝風日好容我坐莓苔

清光至已幸可人期又來軒扉皆有竹几榻自無埃泉脉池分過
巖霏日射開君其回俗駕愛惜一庭苔

富昌平縣解漫述

畿甸三秋未乾坤萬象澄度關初見雁喧座尚多蠅雲薄難成雨
霜清欲至冰居庸差可喜湧出翠層層

至正集卷第十三

律詩二五言

孔學文奉先世毅夫先生元祐五年召赴闕尚書省牒未題
元祐才為盛之人獨滯留如何車下轍又到嶺南州玉樹三枝秀
滄江萬古流珍藏徵往躅重為半山羞

題張圖南怡顏堂

深愛形愉婉真歡寄詠歌色難非孝也創鉅奈親何堂下餘風樹
人間有蓼莪世堂求錫類莫作盼庭柯

神仙雨

山中日日雨松竹早知秋清響自深夜逸人無遠愁窗虛聞葉落
林暗見螢流對景因懷社江村事事幽

六月二十一日坐田家場圃早稻已獲

楚甸未宜種天應急老農三登知稔歲一葉未秋風繼絕方晨獲
嘗新已暮春敢言憂國願一飽待年豐

晚涼縱步用諸生黎仲顥韻 二首

隆暑晚才退東崦未惜遙穿林入田舍綠木渡溪橋有地堪容膝
何心要折腰前湖真菴畫舟子正招招

山吞紅日盡雲放碧天遙景與詩為地涼隨杖過橋胡床時憇足
束帶久忘腰不怕鬢條怒山英已見招

立秋日次黎仲顥韻 四首

青山似高士了不染塵埃龍去留雲在鴉歸帶暝來竹林清可掬
稻粳翠如裁今日知秋至呼童拭酒杯
祝融方肆虐時序報秋清火欲凌金氣涼先入雨聲雲間膽疊嶽
松下得微行君看梧桐葉能催白髮生

流光暗代謝雅志愧輕肥年已逾知命星方識少微靜言今日樂
遲却幾年歸更荷隣家好山瓢問不違

山中何所樂日日有新詩放脚探龍窟回頭愧鳳池懲羹尚吹冷
居貨敢求奇野老從渠惹成腓勝詭隨

登後山觀湖漲時陰雨忽霽

陰磴盤盤上枯藤得得來長楊半腰水老桂一身苔秋氣蚤先覺
風聲鶴欲回山雲自行雨休為老夫開

城中送冰

出自凌陰闕來驚暑路忙針分全壁碎鹽接斷峯長清欲空渠梳
甘宜沃蔗漿休教融作水分惠徧山莊

得家書戲書其後

家人恠留滯今日寄書來菡萏實將老玉簪花又開兒書常負課

我瑟已生埃亟喚理歸棹道人心未灰

得請南歸送客皆乘馬予獨以病坐小車有語及韓子送楊

巨源問車幾兩者戲四韻

不能陳力矣便可賦歸歟車坐但一兩人言非二疏幾難終日俟
病過半年餘莫笑無金去行裝有賜書

鄉人飲餞廿里外以詩留別

樹影聯金勒鄉人悅我行春羔紅玉軟官醞翠濤輕桃李漸無分
桑榆荷有情况年洹水上一一却相迎

同茅紹之飲野人家蔬圃二首

地僻人稀至涼生日欲西娟娟花覆井澆澆水循畦蔬脆共新摘
馨香出舊携蓬窗殊倦入岸柳奈鳥栖

小店薰氛外茅次只數間烏帝槐澄翠蠶老椹垂殷老境惟宜酒

兼金不賣閑興來詩自得真趣豈容刪

觀麥

田父逢人說今年麥異常花時無冷霧實後值驕陽眩日黃雲闊
垂涎白雪香疲氓均一飽應有兩岐張

魏縣道中

京國行行遠江鄉處處幽崖崩和麥墜灘急帶沙流匡世無長策
還家是勝遊不將詩與酒清興若為酬

水冶

人烟仍古邑村落帶清泉修竹雲千畝垂楊翠半天卜居多勝地
沽酒驗豐年欲結鷄豚社慙無二頃田

宿水冶孝親寺

永額僧知宋佳城石紀韓懷賢時拊髀吊古一凭闌清夢雲龕靜

悲歌野樹寒山川豈專美東北又豐安

遊黃華始至其麓

榭榭連山麓霜餘翠間紅架巖茅屋小分水石渠通漸覺烟霏重
時疑道路窮升高宜努力中止戒瘰癧

過南齊觀丈八石佛僧云得之耕者始見其頂隨發隨出因
作浮屠居之

教已由天降人猶入地求生民困狂走滄海遂橫流塔影千年月
松聲萬壑秋考碑當紹聖文物正崇修

善應泛舟

霜水清深處烟嵐紫翠間清風時信棹落日正宜山空闊凝綠竹
潺湲響佩環道人磐石畔崇酒待予還

出京寄王仁甫左丞

六龍清暑去萬騎景從時顧我何為者懷恩欲報之計功慙傳食
美盛有歌詩却憶高唐老清風擅鳳池

都城大熱午日至赤城夜寒不能寐

步步高無下炎威覺漸微山川限風氣冰炭劇天機孤館難為客
重衾更覆衣只愁清不寐無夢到羅幃

宿獨石孫希顏家書其壁

獨石清不老行人鬢已霜四年叨政府三度上灤陽毫髮曾何補
身心漫爾忙避賢歸有日來醉石兄傍

雨後桓州道中

雨後桓州道清無一點塵半天雲葉薄五月草芽新白雀能知曉
黃羊不畏人懸鞍有馬酒香瀉草叢春

即事

土屋平無春沙岡遠似重風爐懸馬爨木白響車春繫尾牛連犢
謀生蟹待蟹醉歌喧帳影芳草正茸茸

次上京

望望龍岡樹行人欲解驂百年蝸角戰三仕鳳池參富貴人難欲
馳驅老豈堪預知今夕夢的的到江南

省中石竹

紫垣清晝永紅藥褪芳華寂寂沙礪地娟娟石竹花香鈿金縷綠
笑靨粉痕窪細草聊相慰閑吟坐日斜

洪禧殿進講

日漾珠簾動風生寶殿寒明時求治策要道在儒冠聽納勞前席
咨嗟感從官黃封頒賜後愉悅藹天顏

七夕露坐因成較雜無實之言

別况經年慣佳期此夕逢終天為伉儷一水任西東人世非無鵲
竊窗漸有蛩鄜州共明月應是憶衰翁

風雨孤舟圖宣和筆也

龍樓嫌富麗着意冒荒寒烟雨迷千樹風波恃一竿時宜毫素在
身老塞垣難玩物昭前訓誰將進縣官

元統甲戌分臺上京飲馬酒而甘嘗為作詩丁丑分省日長
多暇因數土產可紀者尚多又賦九題并舊作為上京十
詠云

馬酒

味似融甘露香疑釀醴泉新醅撞重白絕品挹清玄驥子飢無乳
將軍醉卧羶桐官聞漢史鯨吸有今年

秋羊

塞上秋風起庖人急尚供戎鹽春玉碎肥粃壓花重肉淨燕支透
膏凝琥珀濃年年神御殿頌餽每霑儂

黃羊

草美秋先臍沙平夜不藏解縑文豹健鬻炙宰夫忙有肉須供世
無魂亦似羴少年非好殺假爾試穿楊

黃鼠

北產推珍味南來怯陋容報肥宜不武人拱若為恭發掘憐禽獮
招徠或水攻君毋急盤饌幸自不穿墉

粃麩

坡遠花全白霜輕實便黃杆頭麩褪黑磴齒雪流香玉葉翻盤薄
銀絲出漏長元宵貯膏火蒸黑笑南鄉南鄉蕎麵黑甚熟則堅若
瓦石田家元夕以代陶盞

蘆服

性質宜沙地栽培屬夏畦熟登甘似芋生薦脆如梨老病消凝滯
奇功直品題故園長尺許青葉更堪薺

白菜

土羔新且嫩筐筥薦紛披可作青菁飯仍携玉版師清風牙頰響
真味士夫知南土稱秋末投簪要及時

沙茵

牛羊膏潤足物產借英華帳脚駢遮地此物喜生車帳卓歇之地
夏秋則環繞其迹而出
釘頭怒戴沙齋厨供玉食毳索出羶車莫作垂涎想家園有莫邪

地椒

凍雨催花紫輕風散堊香刺沙尖葉細敷地亂條長楚客收成農
奚童櫛滿筐行厨供草具調鼎爾非良

韭花

西風吹野韭花發滿沙陀氣枝葦蔬媚功於肉食多濃香跨薑桂
餘味及瓜茄我欲收其實歸山種澗阿

再用前韻答王仁甫左丞 二首

寒暑催浮影功名負勝時膠榮今老矣得酒且中之才不能匡世
吾將任采詩藩籬可翔集何用刷天池
青年無可畏况到二毛時嘯傲從元亮風流愧牧之莫談今日夢
但詠古人詩已作家書去先開半畝池

連雨有感

秋來連日雨渾似熟梅時雲岫青才露風簷白又垂陰晴如善謔
寒燠遽交馳會見驅屏翳清明萬物宜

和友人寓居雜詩三首

譚材宜適用奇貨本難居羈旅誰相慰親朋日有書看雲歎舒卷
闕市驗盈虛昨夜秋風起江湖好食魚

心憐無所用道愧不成章上直才能館從公又馬坊野風香列帳
簷日轉迴廊天上歸來晚庭榆倒影長

有謀常落落無事亦忽忽一代名何用千年論始公清風生筆硯
涼月到房櫳亦有娛心處兵厨酒不空

上京分省有大硯乙亥歲嘗用之丁丑又日用知其美不知
其奇一日滌去積墨文彩溢目背刻翠濤字亦精勁非一
洗濯不知也

積墨培光彩貞姿任淫磨浪花浮欲動池影淨相和有似懷才者
其如眯眼何更憐當造命不解擴恩波

雁洲

我亦隨陽者還來宿雁洲
蘆花吹雪盡水氣帶霜浮
書載無餘地詩成有利籌
剡溪乘興爾不是五湖舟

過嘉魚和劉光遠韻二首

山寒遲見日松髮未全晞
風土傳奇品烟波空斷磯
驛連江杳渺縣入樹依稀
不鼓南征棹幽人不當歸
帆月隨風動蓬霜待日晞
水邊多酒旆山脚有魚磯
歲晚鴻飛盡江寒客渡稀
郵籤程莫校老子欲忘歸

禹相圖

我家近禹柏無句敢相形
遠道得圖畫故人瞻典刑
江湖霜鬢白宇宙一枝青
行返大別去哦詩與柏聽

發琅琊而南

關人有底忙一舸又行相
風欲連旬雨花供滿路
香領春心未老

浮海夢初長應有停橈者
吾歌繼漫郎

隣舫小酌俄廷鎮同年
至廷鎮即事口占
茄鼓響春江屬予足之

行李詩連軸孤舟酒滿缸
樓臺明夕照茄鼓響春江
不負青山約來賡白雪腔
十年心萬里今日為公降

泊昭靈和董仲達韻二首

宿靄空天宇微和暢物情
江春灘失險山晚燒添明
白首容投飯清時正逐衡
得朋多逸興無用計歸程
雨晴春似海對景未忘情
遠浦孤舟小斜陽萬樹明
溪山涉圖畫風月入權衡
却笑南歸雁悠悠幾日程

游南嶽黃庭觀

東風如有意吹入白雲鄉
一片飛來石三生結願香
碧桃開洞府

蒼蘚開丹房欲訪芙蓉主乘春夢渺茫

壽寧宮用開闢宗師韻

玄教嗣蟬聯辛勤五十年祝釐縻輦轂傳句記林泉雲氣來天上
松花墮馬前懷人不可見幸負酒如川

曾原道中二首

幽尋老不倦春盡晚猶寒村逕窄容轎樹枝低礙冠鳥聲山寂寞
花事雨闌珊風物今朝好詩成未覺難
秧針青炫日滿眼是豐年山轉東西路泉通上下田林深纏宿霧
村遠見炊烟此景須身到屏圖未易傳

貢院有懷省中友人

帝遣提文印科場看策勳千年徒尚友一日便思君西掖春浮樹
南宮畫鎖雲不知江海幾句寄殷勤

刻題必夜發題必早諸公連夕不寢列坐假寐予又甚焉觸

響驚寤相顧大笑記以俚語

重門嚴鎖鑰誰遣睡魔來塵尾忽墮地鼻聲俄殷雷有燈銀海暗
無酒玉山頽莫作冬烘夢掀髯一笑間

陪姚子中丞晚坐

薇垣宜露坐月色淡蒼蒼黑見鑿坡樹清傳燕寢香縱談驚炙轂
批卷聽烘堂莫作思家夢春宵苦不長

三塲試罷小雨在觀卷下

京國春難雨沾濡忽有今聲連蓬島近寒入棘闈深聖治無遺策
諸君待作霖東君辨花事行欲宴瓊林

早起觀諸公考卷

閉門如井底春事近何如柳色寒猶淺禽聲曉漸多三塲嚴獻納

千卷困研磨有幸逢今日天開第八科

偕王師魯同年游長春宮訪完顏真人不過書其壁真人以是日出迎

半年塵土夢常繞白雲鄉紫闈少休暇清談又渺茫竹聲來別院松影轉虛廊為問師何在乘風在帝傍

投劾南歸宿長春宮用壁間韻呈完顏真人

清景銷塵思玄關接帝鄉松筠寒浙瀝樓殿晚微茫香牒雲生座鐘殘月在廊他年江海夢惟到老師傍

過良鄉

不見良鄉塔於今十六年我方添白髮尔自轟蒼烟風氣連畿甸春容動雪田雲麾石無恙賴此重山川

旅邸夜坐書所聞

白髮自爬梳青燈翳欲無厨宣僮守歲槽響馬求芻村鼓都無節鄉讎實有徒天風忽蕭颯清響入嗚于

元日

詩思供行邁年華屬履端乾坤風日好羈旅夢魂安去國天猶近還鄉路不難白鷗盟有素回首謝鷓鴣

問津

衰病新投紱荒寒遠問津危橋時下馬小逕不逢人紫翠山浮夕青黃柳試春人間好風物此去屬閒身

尋梅

何以慰吾衰梅花秀發時晚香傳遠樹春雪避南枝林靜來差早溪深行獨遲與君謀一醉及此未離披

至正集卷第十三終

48-11095

